

槎軒集序

吾蘇高太史先生以詩鳴於

國初故稱名能詩者必以先生為之首先

生之詩有缶鳴集姑蘇雜詠行世已百

年矣又有江館鳳臺槎軒三集迨今未

壽諸梓吾友儀部員外郎張君企翱自

幼得之鄉長老所茲於公暇每誦而愛

之謂非他為詩者可及爰為較錄合古

今體制類成十卷總名之曰槎軒集量
節俸資圖欲與前二集並傳授余為之
序噫詩刪於聖筆為終古不易之常經
良由人之有心則有思有思則有言以
成夫詩初若易能者無何下逮漢魏晉
宋更數世歷千有餘年而特起以名家
者率不過三數人抵唐作者雖衆以及
宋尤所謂名家而特起者指皆不多屈
抑何其艱耶先生天賦之厚力學之博
造語工而用事當才兼衆長而每出人
意表故其為詩清新俊雅沉着痛快如
春陽載熙群芳競秀年穀荐稔萬室具
充可謂特起於世而名為大家者維時
皆擬其居大任以展大制作嘗被
徵脩元史甫畢而退所施莫殫其所負不
幸年未始仕以沒曰是推之特起一世

不為不專著之簡編不為不多傲睨千古不為不久名為大家不為不盛彼處富貴享安榮以竭身心之樂者未嘗一日而無其人亦多斷盡無傳或播其醜於後先生克立於不朽雖罹不幸亦奚憾乎殆未可與淺近者道也余初入詞林院長南陽李公永新劉公謂余言尔蘇之詩在

當朝惟高太史為然猶言文必舉金華宋學士也比脩一統志已疏其為郡之第一人矣夫豈但一郡之詩天下之詩也數千百載之詩也余服膺二公確論後莫有能易此或疑先生之詩其粹已在前二集茲特其魄耳殆不然李杜二大家無一之不載莫不有意味存焉譬之多藏之家消歇之餘尚足以副中家之

假貸蓋所從來者遠也企翺編行之意
不為無謂觀者自有得焉

成化十四年歲戊戌如月朔

賜進士

翰林

國史檢討徵仕郎婁東張泰序



槎軒集目錄

卷之一 樂府

有所思行

吁嗟篇

擊筑吟

妾薄命

出門行

愛妾換馬曲

美人磨鏡詞

悲歌行

苦哉遠征行

鑿渠謠

荆門壯士歌

月支王頭飲器歌

朝鮮兒歌

城虎詞

春初來

燕覆巢

野老吟

湖州歌

田家行

風樹操

登丘操

望歸操

卷之二

五言古體

秋懷

寓興

空明道人

錢孝子廬墓

隨月映雪圖

倪雲林畫

王黃鶴畫

澹菴

蘭室

憩靈鷲池上

始遷西齋

林屋圖

春江圖

因病不飲

我愁

三良

荆軻

褚彥中存畊軒

九日

九日至西汀

僧醫僧東山

贈金瞽師

燕客

過羊腸嶺

登竹竿嶺

賦長洲苑

送金海虞

送徐幼文

懷張贊軍

賦法華雨送僧

送陳秀州

暮行園中

秋風

秋雨

徐熙嘉蔬圖

大水

白水冒我田

秋日寓東屯

冬至夜感舊

山居二詠

送賈文學

夜飲余左司宅

送李使君

送韓司馬

卧病簡諸友生

施澤阻風

過硤石

讀書

殘燈

贈吳氏昆季

送黃主簿

送王推官

卷之三 五言古體

春日言懷

退思齋

來鴻軒

春江雲舍

鴻山書舍

贈銅臺李壯士

贈張主簿

送李提舉

青丘道中

獨步西岡

三鳥

孤鷗

新春

絮

遊寧真道院

遊師子林

遊寶積山

題陳生畫

送芑僧東歸

清樾軒

耕漁軒

愛日堂

送張文學

送李別駕

送蜀山人

懷兩王孝廉

醉贈王卿

贈群上人

西齋芙蓉

劉凝之騎牛圖

詠軒

驅瘧

客有不樂者

和徐倪贈荅

謝陳卿惠冠

朱生讀書所

贈李元脩

堂下栢

懷徐幼文

送王常宗

袁氏高節樓

施君眠雲堂

張氏世壽堂

送張隱君

理篋得諸友詩

次韻包同知

鄭義門

送王檢校

荅張院長

寄王太史

登樓看雨

舟中早行

軒前葵

雨中懷王太史

魏君示舊贈

東屯即事

暮途書所見

卷之四 七言古體

松隱居

愛竹軒

過甫里

獨遊山中

送林謨秀才

送張進士會試

謁張中丞廟

送陶記室

送劉冠軍

送董軍咨

送張負外

夜坐有感

宿蔡村夜起

泛湖至東舍

苦寒書江上壁

詠雪禁體
次韻楊孟載
江村二題

中宗射鹿圖
萬松金闕圖
萊蕪

海石
雪海
鳳臺三益圖

儀鑾樓
明月舟
約遊范園看杏

過幻住看梅
和觀梅
和遊山

次韻遊城西
見駕鵝群飛
喜徐幼文遠來

謝陳惟寅畫
天香深處
荆南舊業圖

煮石山房
吳越兩山亭
贈丘老師

贈步鍊師
贈陳孫義士
贈賣墨陶叟

夏山過雨圖
摘阮美人圖

卷之五 七言古體

送張明府
送王邑長
婁江遇風

姚烈婦
陳節婦
聽陳協律彈楚

酬沈墨翁
京師苦寒
賦烏衣巷送友

京師重午
遊西園二題
芥舟

梅雪軒
卧沙龍圖
贈治冠梁生

南州野人
題魏孝廉畫
題韓長司畫

米元暉畫
高彥敬畫
魏公書伯夷頌

江上看花

長短句體

天池石壁圖
媯帷子歌
書夢中

聽錢文則琴
看梅
清冷閣

雪齋

謝贈張仙像

題滕用衡畫

贈鍛師劉生

釣臺歌

五禽言

卷之六 五言律

酬余左司

荅倪隱君

雨後飲西園

次韻行屯作

送人戍梁溪

題僧山居圖

荅陳邦度

和王止仲

亂後經婁江

鵲軒

雨篷

溪山小隱

一窓秋影

聽秋軒

飛燕

流螢

水殿圖

篔簹

扇

新荷

新蟬

池上晚酌

林間避暑

晚坐南齋寫懷

送宋醫士

送劉省郎

微恙江館作

陪客

過戴居士宅

分韻送僧

分題謝醫

飲陳卿宅

師山圖

漁浦琵琶圖

金人馬圖

馬

鷺

漁樵耕牧

隣家桃花

櫻桃

梧桐

寄沈達卿

夜起觀月

曉晴步眺

逢李止冰道人

送吳縣陳令

天心水面軒

贈呂劉二醫師

圍碁

射柳

五月菊

夏景園廬

獨酌南樓

中秋宴集

曹谷才世訓

贈東庵道者

過劉山人園

次楊禮曹作 見逃民家 悼女

見歸鴉 宋迪夜歸圖 華瑩芝檜圖

送周履道 兩齋獨坐 次韻酬西園公

聞隣家琵琶 書王生扇 送胡銓

送陳少府 逢蔣主簿 贈張省郎

贈姚東曹 題戟門 寄杜進士

鍾山雲霽圖 立秋日 冬至夜

廿四夜坐 輓恭孝先生 悼顧宜人

輓宋尚書 排律 送唐郡守 送高郎中

送周檢校 送高麗貢使 焚香

詠夢 戲嬰圖

卷之七 七言律

江館詠懷 和蔡參軍 寄余左司

間兄謫壽春 送成居竹 次韻倪元鎮

次韻俞士平 寄方以常 寄海昌李使君

香聶才子 送宗孝廉 送陳博士

送秦司訓 送顥上人 張思廉退居江上

過子宜林居 寄王止仲 吞余唐卿見寄

客舍寒食 送金德儒弟 吞呂志學見寄

和楊孟載 首春感懷 挽翟孝廉

宿行營舟中 贈李鎮撫 得遷容消息

得周履道詩

逢倪賢良

蘇臺懷古

吳城感舊

淞江阻風

江館書事

別江上故居

遷城南新居

子祖授生

煇雪齋

香晚軒

送呂志學入道

送衍斯道

春宵圖

雲山樓閣圖

鶴歎

贈張夢辰

次韻楊孟載

謁伍相祠

吊岳王墓

愛姬祠

七姬冢

次韻咏梅

暮春答懷德

水竹居

訪呂志學

雅宜山居

喜徐幼文歸

東里草堂

蘆花簾

舟中看山

夏夜偶成

泛舟南湖觀荷

新竹

梅雨

山寺漁樵圖

追次唐人韻

贈王醫師

送基上人希載

謝徐司訓

赴京留別

白鶴溪阻雨

御溝

登天界鐘樓

喜聞王師下蜀

送陳總戎

送周省郎

送沈省郎

送胡端

送殷孝伯

答復上人身心

答韓長司

秋江晚眺圖

中秋翫月

客中述懷

重遊甘露寺

送賀對庸

送梁天爵

端陽寫懷

喜張太常南歸

徐浩二子見訪

雪中

寄永安丁令

送王茂才

次韻仙興

次韻王汝器

夜雨不寐 漫成

卷之八 五言絕句

聞鐘

聞笛

聞柝

馬遠畫

鴈

秋雨

秋聲

紅葉

桂

對月夜飲

中秋

春溪獨酌

竹林高士

湘南雨意

訪友圖

晚尋呂志隱

訪丁至恭

荅陳邦度

得家兄消息

池亭

王主簿小園

登樓望虎丘

宿雲岩

畫

鴛鴦

柳燕

水邊桃花

西園梨花

榮瘁竹

隔簾聞歌

題蕉仕女圖

病酒

宿寧真道館

軒前竹

寄王汝器

登白雲寺閣

宿紫藤塢

雲林小景

山中

睡足

九日

客中歲暮

除夕憶女

刺客三詠

山園四題

余棻十五題

端陽十詠

軍裝十二詠

師林十二詠

六言絕句

陸氏別墅

卷之九 七言絕句

宋徽宗画

浩然騎驢圖

虎丘

贈張架閣

送王丞巡寨

送林生往海上

張靜居畫

醉歸夜坐

雨夜

寒食感懷

城南柳

虞文靖公墨蹟

送艾判官

見亮師畫

登白蓮寺閣

贈彥正兒

逢王常宗

送周履道

送胡奎

見山

讀周履道詩集

寒夜逢幼文

喜劉君見過

寄書家兄

田舍夜春

聞隣兒讀書

贈孟載兒

逢故人子

客越得家書

夜雨客中遣懷

夢歸

春日憶江上

客中春暮

夢余唐卿

送徐浩二子

无夕聞放燈

春日漫興

江上雨中

春陰

惜春

林間作

玉宅看海棠

次友寄韻

清明有感

聞友遊院看杏

春柳塘燕

睡起

閏三月書事

經故帥宅

西園春暮

過西崦

雲岩東院

杏林

田家壽宴圖

題畫

舟中卧作

江上阻雨

綠陰堂嘗笋

三蟲

閑卧

晚立西浦渡

西山暮歸

過湖舟中望寺

林亭避暑

池亭對竹

江上晚歸

閨怨回文 中秋無酒月 約友中秋不至

秋蓄微 癸卯九日 菊竹

墨菊 紅梅 折梅

三香 道上人梅 北莊訪友

和觀梅 東丘見枇杷 冬月寓治平

偶成 幻住看梅

卷之十 七言絕句

白石山房 王翰林使番 讀王待制詩

夜泊毘陵 離江館有感 見花憶故園

得袁卿書 雨中曉卧 舟中逢白范

寄朱國史 祐陵所題畫 子昂臨祐陵草頭

謫仙像 青城戴笠圖 梨園秉燭二圖

画題送友 送李二尹 送友謫戍

挽栗瀆翁 慰人悼亡 湘君洛神二圖

讀北郭集 和衍斯道 金玫留宿

張來儀畫 贈徐亨甫 贈真師

次王耕雲 過保聖寺 送震僧

四皓 二喬 管仲姬畫竹

張雲門竹 倪元鎮竹 寄沈侯乞猫

畫犬 畫馬 桂蕉二仕女圖

背面美人 春睡理髮圖 巨然小景

茅翁雙竹 松雪畫馬 瀑布

仙山樓觀

秋娘紅拂

荔枝練帶

棘竹三禽

和遜菴

十宮詞

詠史廿二首

槎軒集目錄終

附錄

太子少師姚廣孝讀高季迪詩集

對君長自誦君詩只為君曾許我知今日相看雖客

裏一編讀盡夕陽時

吟場處、擅名魁愛我頻將卷帙開好並韓詩與杜

集讀時元不為愁來

右客次

吹臺長別最傷情詩句流傳到遠林此夜雪窓開帙

看宛同北郭對床吟

右雪夜

附錄終

槎軒集卷之一

樂府

吳郡

高啓

李迪

著

有所思行

有所思今安在煙霞迢、隔南海昔年遺我翡翠裘篋
中久閉沉光彩宛如神仙在瀛洲乘濤欲至風引舟同
心之人乃離阻嗟我處此將何求

吁嗟篇

惻、抱深隱靡、踰崇丘凜、歲欲徂役、車未休不
辍車未休但傷歲莫留窮陰蔽九野徒旅同時憂豺虎
當路啼猿猱出林遊我飢雪作糧我寒又無裘徒思陽
春日誰返羲和輶天時自有常淚下還復收

擊筑吟贈張贊軍

擊筑上君堂君心不可忘
哀聲流易水憤氣激咸陽
不向諸侯座寧來刺客場
今朝特前奏為我一停觴

妾薄命

悠悠長門月流影入宮深
但照嬋娟影不照貞素心
君恩無日迴妾貌有時老
但願它人歡事君千年萬年色
長好

出門行

貧賤去鄉里四方向所之
欲遊淮陰市恐為少年欺
少年勿相欺人實未可知
織葦蔭高岡弱翮翔天池
丈夫懷遠志奮發寧無時

愛妾換馬曲

出帷掩紅袂離底結青絲
我取躡雲足君憐羞月姿
惟當樹功業詎必戀恩私
回首各已遠春山將暮時

美人磨鏡詞

匣中舊鏡龍蟠背昏盡如同
月逢晦尋得街頭負局翁
粉鉛和汞拭青銅須臾瑩徹
無纖翳試整朝來暗梳髻
光明還在只如新悔向塵埃久
相棄明日照儂自畫眉
不須問即宜不宜

悲歌行

結髮好遠遊出門覽山川
誰云帝關遠有路不在天
我車大目遲日暮牛領穿
忽逢悲歌士論心涕潛然
今日

不得志明日非少年

苦哉遠征行

悠悠荷戈子請發事遠征遠征無窮期千里萬里程瞻
斗知鄉遙覽物悟歲更霜露鑠肌膚弊鎧蟻虱生况茲
三邊虜驕黠未易平聞茄巴心摧赴刃仍骨驚軍興有
巖誅賤命顧自輕區區在行間敢望竹帛名奈何久不
還主將功未成誰憐城南室思婦感鵲聲

鑿渠詭

鑿渠深一十尋鑿渠廣八十丈鑿渠未苦莫嗟吁黃河
曾開千丈餘君不見賈尚書

荆門壯士歌

水洶水差荆門葉黃杪秋時上有騰攫之猿猱下有
饒嚙之蛟螭悲哉此路難孰敢徑渡之三撫髀壯士起
劍風騷勞髮上指仰天長歌不見星哀鴻夕叫雲冥冥

月支王頭飲罷歌

積中萬騎驕斯雪頭掛金鞍敵初滅歸來凍作大白杯
胡酒寒凝色如血故國無瑩歸夢迷朽骨飲恨空如泥
琵琶聲中鬼語襍酥燈照夜風淒淒崑崙倒瀉黃河入
袍汚淋漓疑淚濕部落誰酌國士恩尊前一夜無聲泣
烏孫降王猶疾首起奉單于千萬壽

朝鮮兒歌

朝鮮兒髮綠初剪齊双眉芳筵夜出獻歌舞木綿裘軟

銅環垂輕身回旋細喉轉蕩月搖花醉中見夷語何須
問譯人深情知訴離鄉怨曲中奉足拜客前烏啼井樹
蠟燈然共訝玄菟隔雲海見今到此是何緣主人為言
曾遠使萬里好風三日至鹿走荒宮亂寇過雞鳴廢館
行人次四月王城變熟稀見行道路兩啼飢黃金擲買
傾裝得白飯分食趁船歸我憶東藩內臣日納女榭房
被褱翟教坊此曲亦應傳特奉宸遊樂朝夕中國年來
亂未鋤頓令貢使入朝無儲皇尚說居靈武丞相方謀
卜許都金水河邊幾株柳依舊春風無恙否小臣撫事
憶昇平尊前淚瀉多於酒

城房詞

候潮門開啼早鴉有虎忽入居人家母兒畏窺雞犬伏
排籬突戶誰能遮穉風動地初哮吼驚起東營捉生手
怒拔長戈試一春目光落地偃魂走南山藜藿深冥、
白日橫行誰敢櫻胡為離窟來城市牙爪雖全不堪恃
君不見壯士遭急縛失路窮時亦如此

春初來

春初來柳條欲舒花未開曉日窓前鳥聲喜似報春來
喚人起東風吹暖入烟痕綠遍江南幾千里去年春去
憶愁人倏忽今年又見春但欲逢春醉盃酒不怕相思
成白首

燕覆巢

雙燕生五雛怡、向高屋雛飢毋出風雨來新作深巢
竟傾覆立人念雛不解飛移之別壘待毋歸雛雖得壘
燕勿喜相逢主人亦偶爾明年作巢當更好須信安居
最難保

野老吟送陳大尹

桑扈初鳴麥花落大家小家蠶滿箔村中無吏夜捉人
老身醉歸行失脚自從明府一下車短衣糲飯即有餘
姓名免籍弓弩手新婦辟疆兒讀書縣門前頭柳飛絮
春風又隨官馬去雞鳴相送拜道邊願公受取一大錢

湖州歌送陳太守

草茫、水汙、上田蕪下田沒中田有麥牛尾稀種成
未足輸官物侯來桑下搖玉珂聽我試唱湖州歌湖州
歌情終闕幾家愁苦荒村月

田家行

去年大雨漂我變今年桑柘軸無帛身隨簿吏到縣門
田少稅多那免責聞道長征未罷兵轉輸日、向邊城
老少田中竭筋力願為官家足軍食但得官家風雨時
盡供徵賦儂不辭

琴操

風樹操 予自傷早失怙恃而作

朝風之飄、兮維樹之搖、兮吾思親之翹、兮夕風
之烈、兮維樹之揭、兮吾思親之愀、兮樹之有風

猶可息兮吾之無親終不可得兮

登丘操 登青丘有懷而作

驅車兮與馬蹇吾行兮胡為乎在中野登彼兮崇丘下
茫茫兮九州思君子兮不得與駕以遊山出有雲兮木
亦有柯我將歸兮憂之如何

望歸操 哀里人周復之子死於虎而作

見旦而出于山之麓兮見夕不歸在虎之腹兮我往無
所榛莽被谷兮嗟爾眈已飽我豕犢兮穴亦有子胡
寧使我獨兮

槎軒集卷之一

槎軒集卷之二

五言古體

吳郡高啟 季迪 著

秋懷十首

少時志氣壯不識秋氣悲呼嘯射鳴鴈遙鶩東山陂中
年漸多懷惻 當此時登高望原陸不見車馬馳思我
平生懽高墳鬱鬱累 世人非羨門誰能久華滋惟有盈
觴酒可以持自怡

明月出遠林流輝鑒庭幃促 草下蟲催我索故衣起
嘆秋夜長欲取鳴琴揮掩抑不成弄中心復乖違有懷
難自宣勿謂知者稀

寒荷 已老采蘭 已摧無由玩芳物暢望江之隈木

落山更空猿聲有餘哀所思去我遠佳期邈悠哉被垢
尚可澣沐溱猶難開我愁亦何來當秋鬱難裁棄置勿
嘆息多愁損顏衰

志士憂歲晚羈人念秋早騷鬢絲垂索枯葉槁誰
言衆芳歇時菊正鮮好日暮食其英聊開我懷抱貧賤
難久居欲去恐違道時命恐未通徜徉以終老
秋風夜颺秋光日瀟灑觀人亦心驚况乃居愁者塊
處厭空宇命駕聊適野征鴻暮相呼牛羊亦同下我居
久離群憂襟向誰寫

涼風動幽幔高堂夜空虛明燈無與語聊讀古人書古
人亦何人使我不得如棄卷輒還卧終宵自歎歎

鳴虫入我戶落葉覆我井何無四方志戀此一室靜問
途欲晨征畏踐霜露冷濁醪幸方熟夕飲燭可炳勿憂
去日多但願來日永不知苦驅馳孰若長醕酌

弱齡弄篇翰出門結群賢俛仰幾何時已有新好年歡
娛雖常逢憂患亦屢牽世故逐人老髮鬢能久玄沉思
復何為省我既往愆問道行已歇中途曷歸旋

朝遊荒岡陞暮行空潭側我非楚大夫何有憔悴色良
辰思遠騁周道廣且直我馬力不前回駕任偃息踟躕
阻脩程日夕睇西北苟安非予志所懼時未識

弭棹望江渙日落青楓林驚波駛且廣蕩漾浮雲陰靡
靡臯蘭衰噫渚鴻吟顧此凜節謝憂來忽傷心宋子

悲已多潘生歎弥深自古有此愁誰云獨吾今

寓興三首

有鳥來萬里海寒遇天風群飛忽四散雲路不得從
羽已摧落離離向深禁雖無金丸懼飲啄常弗克悲鳴
顧霜雪欲托無高松黃鶴何時來嗚我出蒿蓬

有女乘烟霧出遊在江濱麗服飾珠翠光輝比陽春借
問誰氏子乃是洛浦神自非瑤臺侶誰能得相親空懷
纏綿意日暮無由伸

有客愛遠遊驅車上高山東海不盈覽扶桑低可攀欲
與仙人期翱翔彩雲間白日忽然暮風霜慘容顏徘徊
望鴻鵠失路何當還

空明道人

我聞赤城東仙嶠名委羽煙霞閉深洞絕壁飛玉鼠空
明中有天日月照瓊宇昔人鍊丹成自駕黃鶴舉陳翁
夙慕道棲此求真侶玄文夜長披靈藥朝每茹石室人
不來閑眠青蘿雨于今定非死飛遊去何許海上幾秋
風誰傳令威語

錢孝子廬墓錢乃吳越忠孝王裔也

颯々黃竹嶺蕭々白楊村行人亦悲哀何況父母恩不
忍返華屋結廬傍孤墳啼猿應哭聲日暮空山昏無隣
與誰語獨宿傷精神仰聞松柏吟俛見狐兔奔淚洒墓
前草當春兀芳根至性有如斯不愧忠孝門

題隨月映雪二圖

空齋無短檠愁度新涼夜青天素娥出餘輝獨堪借達曙願徘徊莫逐秋河下

簷雪不能掃留映寒窓白書字細如蠅坐看還歷歷華燈照歌帳誰似南隣客

倪雲林畫義興山水

嘗啜陽羨茗不遊陽羨山銅官結秀色都在畫圖間樊川醉遊處水榭依沙樹雲入縣城來溪流太湖去我愛雲林生高歌無俗情石庭梅欲發須放酒船行

王黃鶴畫秋林高士

二仲有玄賞相携在中林遐景延迥步微言諧素襟天秋谷響哀日暝川光陰風駛多委葉山空少歸禽逶迤臨長岡迢遞指遠岑諒非羈離客詎用愁登臨

澹菴

素士脫紈綺澹然怡道心窮廬車馬絕寒鳥下庭陰酒外寡真趣琴中多苦音閉門三日卧風雪滿城深

蘭室

湘臯春水深澧浦秋風早如何庭戶間芳蕤獨妍好不有君子心憔悴同芳草

晚憩靈鷲院池上

微雨過祗樹寺齋涼已多臨流一就澹搖動滿池荷風後扇力薄煙中爐氣和慙非許允度吟卧每來過

始遷西齋

乍懸南樓榻始布西齋筵西齋非吾廬幽淨亦可憐風
牖竹裊露庭菊鮮圖史左右陳永日坐一氈婉孌
數童子哦誦當我前為尔竟寂寞低回欲窮年讀書將
何為乃與初志愆進無適時材退乏負郭田我生非瓠
瓜謀食有道焉苟得隨群趨願此不稍賢欲餘解衣卧
母朝腹便

林屋圖題簡盧公武

竹梧鬢台石知是幽人居林間鳥鳴後亭空賓散餘聞
有盧鴻隱長年留著書

春江圖題送土彥強

歌徹小秦王愁深弟幾觴飛花蕩春影江水不勝長日
暮東風急離筵且緩張

因病不飲

我昔無所求但愁酒杯空引滿先四座醉豪壓春風年
來病稍侵積憂復相攻舉觴不能吞若有物梗胃歲晏
風雨夕攤爐坐窓中酒徒散去盡歡呼與誰同三杯即
頽然憔頹映燈紅後老當奈何即今已如翁斯味禹所
惡攝生嘆無功從此便可止賦詩繼陶公

我愁

我愁何從來秋至忽見之欲言竟難名泯然聊自知汲
汲豈畏喪棲詎嗟卑既非貧士嘆寧是遷客悲謂在

念歸日故鄉未曾離謂當送別處親愛无無睜初得比
蔓草夕露不可萎又將比煙霧秋風未能披藹然心目
間來速去苦遲借問有此愁于今幾何時昔宅西澗濱
尚樂山中竒茲還東園中重歎草木衰閑居誰我顧惟
有愁相隨世人多自懽遊宴方未疲而我獨懷此躑躅
誠何為

三良

殉葬古所禁秦國固戎風穆公臨棄朝要此三臣從三
臣百夫良不與親暱同一夕死俱斃無人國將空捐生
豈不難忠義感素衷長恐先朝露無由奉君終遺命凜
在耳焉能惜微躬但懼享主孤誰當共成功高墳荆棘
間玄雲閉幽宮杜臯同此歸冥路安通國人痛莫贖
洒淚呼蒼穹傷我黃鳥詩流哀竟無窮

荆軻

劫盟非義舉曹沫已可羞燕丹一何愚區區祖遺謀干
金養荆軻誓將報強讐奉圖使入關心知絕回斬賓客
盡白衣相送易水頭酒酣涕難落筑聲和悲謳猛氣激
蒼旻長虹為西流行造秦庭陞戟衛甚周臨機失始
圖利鋒竟虛投豪主一按劍社稷修已丘先王禮樂生
破齊震諸侯若能得此賢伯業猶可修胡為任輕易自
越亡滅憂徒令後世人歎惋餘千秋

褚彥中存畊軒

褚翁江畔居家無二頃由所保方寸地欲為子孫傳畫
以仁義睦澆以禮樂泉得書為耒耜躬耕可終焉去惡
如去草不使得蔓延沛若時雨化良苗已茫然所獲亦
既多豈止三百廩奈何謀富人兼併連陌阡已田不解
芸茅塞誠可憐嗟翁豈老農遠勝樊子賢有德自足飽
何憂值荒年

九日

茲晨豈不佳秋日麗川陸幽人自悽感坐念顛運速去
年登高會朋舊俱在目霜前紫蟹肥露下細杭熟空山
有棲鳥歸駕不忍從今年客江臯落日吟影獨逢辰少
歡意愧此籬下菊人生苦難知世事嗟可卜但須斟酌

菜有酒吾自漉

九日無酒步至西汀閒眺

高天無游氣秋氣自激肅離居時節變霜降未授服蕭
條田野間晨步聊遠矚悠悠寒川駛靡晴巒矗菊叢
有清香木葉無故綠親朋去我遠登高且連躅孤懷誰
知音惆悵臨水曲名酒不可尋歸來掩茅屋

贈惠山醫僧東山

九峰聚錫麓一水廻梁溪之子脩淨業長年此幽棲曲
彈白雪妙詩吟碧雲低况有醫龍方丹成重刀圭採藥
夜歸院蘿月照澗西扁舟欲相訪愁作武陵迷

贈虞山談鬼谷數聳師金松隱

我聞鬼谷子乃是古仙真避世青溪中不污戰國塵著
書十三章當年授儀秦二子不善用竟皆殺其身瞽師
得異傳相去逾千春不為從衡說談數妙入神往年客
南都蓬門集朱輪下簾論玄理驚動金陵人歸來隱虞
山繞廬樹松筠誰言目無覩內照靈光新緬思大化根
生此下土民起滅千萬途孰能究其因或愚聘結駟或
賢被懸鶉命也可柰何天道誰踈親世事慎守常毋使
徒紛綸

端居燕客次蔡參軍韻

林旦未昇旭岩深稍杜霏夙興達仙署在公違告腓良
儔信可懷玆月曠容傲偶茲解華轡沽酒酬芳卮

儼衛齋妓樂出房帷放吏命決漏留賓教闔扉談笑
下塵賭墅花間棊歡聲展宿好言長蠲積思佳辰子所
惜高誼予攸希時難賸睽阻能此嗟為誰願各保大和
長年樂施之飛佩倘可接東方候安期

過羊腸嶺在天平山

我昔江湖遊命寄一葦輕今朝籃輿穩愛此山中行松
風與澗水故作波濤聲初登羊腸嶺畏聞羊腸名入林
穿蒙密出谷擇曠平雖非太行路車馬恐敗傾我何數
乘此要識艱險情

登竹竿嶺在鹿山

曲徑隨蟒蟠高枝作猿攀力盡到頭頂始見湖中山烟

雨過空鏡曉沐西子髮好景如好詩追尋詎能閒朝飲
白雲泉夕渡明月灣自咲俗緣在未窮遽言還應知池
夜夢猶在山水間

賦長洲苑送徐孟岳

江邊採芳游花過鶯聲寂風林柳觀琴月舫蓮塘笛
華已非舊恨與煙蕪積方嗟既往人復送將歸客回首
望蒼之遙山雨巾夕

送金海虞

青之堤邊柳鬱鬱當春榮漫之悲路長戚之念子行子
在車全馳子去觴獨傾乃知失群鴻不若求友鶯山川
間音問何以慰我情唯其布嘉惠海隅聞頌聲

送徐記室幼文往蜀山

結客抱狂志傾身通俠交東將觀渤澥西欲踰函嶠奔
蹄脫驚轡隨翻連飛鑣酒具載車出兵法篝燈鈔從軍
願奮立學儒耻譏嘲寧期憂事集頓使芳年拋塵衣曉
城陌雪帽寒江郊客堂感蟋蟀婦室悲蠨蛸自咲失水
鮒空慚得雲蛟獲君乃瑚璉顧我猶斗筭高懷矯衰薄
雅音變哇咬談詩辨六義讀易窮諸爻情親豈殊意氣
合真同胞因依像輪輻暢和諧填匏妓席夜留宴僧扉
畫携敲循花縱步屨映柳持鳴鞘塘行月灩之林卧風
捎之要渺送謳唱瀾翻雜詠咽七滑炊野飯盤香薦山
殺遭時雖齟齬處俗不混淆曩游既相挈茲離竟誰教

浮湖理去榜相道移中庖遐方未罷戍近日猶被抄鹿
驚互奔併虎鬪仍咆哮荒墟少杵砧遠壘多笳鼓問往
何土里答云此巖整人安地有阻歲稔田無境牛羊可
放牧鵝鴨供燂炮湍長機磴激石古窪樽坳稚斤聽伐
木獵火看除茆雨紅爛秋實露紫舒夏苞溪晴鴈拍
村曙雞膠書聲隱篁竹棹響穿蒲茭聊將耦沮溺誰
敢儕夷巢末事誠瑣大言匪嚶世險路生穽名浮
浪吹泡纒鉏擬共把干戚行俱包社舖飲烹狗膾祀歌
迎猫慎勿厭寂寞長當謝紛曉

秋夜懷張贊軍思廉

亭、雲間樓皎、樓上人相望如明月此夕東海濱秋

風忽驚客梧葉鳴聲頻不寐繞飛檻高步咏道真誰憐
荒園中幽卧愁難親露寒砌蛩急相思空達晨

賦得法華雨送惠上人

慈雲起靈山虛空寶花雨遙從天女手零亂飄春曙香
滋淨沼蓮影拂祇園樹高僧結習銷衣上留不住唯隨
一葦風飛渡江南去

送陳秀州

我行秀州野馬首迷荆榛路逢病老翁涕泣說苦辛前
年亂兵來殺戮存幾人崎嶇墾舊田欲活未死身官府
事徵索書版日下頻點丁不遺孤輸穀不待新屋中見
啼嗥門外吏怒嗔豈無凍餒憂天遠不可陳我初聽此

語迴思一顰呻國家昔平治九土貢賦均中間致茲變
主吏失撫循須知奮挺徒原是負耒民虐之乃為敵愛
之則相親此邦固易治風俗自古淳索何不加憐使作
涸轍鱗因留告老翁無為重沾巾歸當率子弟努力耕
作勤除書已報下太守今甚仁

暮行園中

我懶不自耕廢地茅屋東雨露日夜滋鬱然長榛藪
翳荒蹊長漉漉暗溜通時因讀書餘曳杖行其中爭晚
集亂雀吟秋聒微虫幽興苟自愜芬華詎無同容身有
此所孰謂吾道窮

秋風

秋風屋外來落葉紛我傍不出門幾日我樹如此黃但
覺成懶性焉知逝顏光朝食止一盂夕卧惟一床仲尼
欲行道輒迹環四方而我何為者不與世相忘

秋雨

秋雨亂我竹堂中中夜驚昏起復卧策坐且鳴未
分醉夢狀寧辨竹雨聲初欣自張樂終懼如聞兵既覺
兩皆非古藥耿自明悟彼事亦然胡為勞我生

題尹明府所藏徐熙嘉蔬圖

少賤習圃事種蔬每盈疇深根闕玄冬老葉凌素秋
揀瀨風露餘山庖足嘉羞故園經亂後蔓草日已稠
野水流畦間虫聲暮啾啾披圖似見之惻愴起我愁
食肉豈

無人斯世誰與謀君多恤民意毋忽歲饑憂

大水

吾鄉水為國自惜稱滿天今年尤苦霖霖此上下田老
農愁相告無有三十年東江入門流比屋如敗船夜卧
床屢移晨炊釜常懸涼風吹蒲稗群鴨鳴我前茫失
川途出行竟回遭斯民欲昏墊天意豈不憐陰陽致乖
沴孰能究其然歲饑尚勿憂甕勉當食鮮

白水冒我田

白水冒我田風雨無休時十鳩屋上鳴貧家起何遲溝
壑知不免順受胡可辭有酒我自斟有粟妻自炊且盡
今日歡勿顧明日非商歌出金石愧無聖人師

秋日寓東屯農舍四首

我本東皋氓偶往佳州城茲來卧農舍頓悟田野情如
魚及故淵悠然樂其生臨去謝主媪重来自藜藿笑我非
催租吏叩門勿相驚

粥，雞登塲秋稼稍穠籍疎榆蔭門巷景暗煙火夕田
家雖作勞於世寡憂戚况當収獲景斗酒復可適所以
沮溺徒躬耕不辭劇

坐久體不適卷書出柴闌臨流偶西望正見秦餘山野
淨寒木踈川長暝禽還此中忽有得怡然散襟顏遂同
樵牧歸歌咲落日間

故鄉一區田自我先人遺賴此容我懶不畊坐待炊霜

露被寒野屬當欽獲時言來徵薄入稅駕宿東陂今年
雖未豐亦足療我飢萬鍾知難稱保此復何辭

冬至夜感舊二首

今夕亦常夕悲感何用并寒月初死魄沉、閉層城憶
我為兒時早起不待明踉蹌試新衣上堂拜父兄于今
幾何年節序嗟屢更中庭風木號哀多尚餘聲空復有
兩孩燈前語縱橫挽須向我笑寧解識此情
昔年偶失路羈役戎馬間南行越重江歲晏不得還風
雪此夜中投入宿荒山豈無壯士懷聞笳亦低顏竭來
東城隅寂寞守故關雖已忘家貧尚復憂世艱安居諒
難保風雨暗荆蠻長歌深谷翁邈矣焉可攀

張山人山居二詠

幽谿入蘿葛幾曲到巖扉夏鳥深啼處陰、花墜稀知
當煙暝後從此荷樵歸、右蘿徑
摘芳試新泉手滌林下器一榻髮絲傍輕煙散遙吹不
用醒吟竟幽人自無睡 右茶軒

送賈文學北遊

窮年自多感况復送良儔落日河上別慷慨發春謳風
塵阻關山撫劍不得游願逐高飛翼相與出九州嗟彼
行路子樓、何所求

夜飲余左司宅得細字

春會非有期春愁本無際焉知君子堂此夕相與請

銷月窺檐角，警霜委砌舞。影冷鶴長吟，聲喚蠅細語。
易催且共勸，休復深憂亂。海內樂疇云，匪良計。

送李使君還海虞

兩為海上牧，州民定何如。彼處使君馬，此迎使君車。但
令人買牛不受客，鱖魚我知使君賢。讀律又讀書。

送韓司馬赴邊郡

淮陰將家子，讀書負奇氣。十年執一筭，身後李都尉。此
行把旌麾，無愧國士知。邊風吹白草，正是馬驕時。鳴笳
引前部，落日城西路。上客贈吳鉤，征人唱都護。近役非
臨洮，君行莫辭勞。欲問封侯日，秋來太白高。

卧病簡諸友生

抱疾卧東城，文墨成久荒。翔鴻乍流響，時菊忽孕芳。繁
陰慘不舒，何殊懷積傷。良儔秉高誼，寡昧豈見忘。車馬
限泥潦，無由接華觴。平居歡固難，况乃時非康。何以度
茲運，相勗蹈其常。

施澤阻風

客行阻風濤，捨舟步江側。荒村經戰餘，草木盡愁色。夜
投土屋中，月出林半黑。燃薪燎我衣，炊黍作我食。更長
關塞寒，歸夢何由得。遙想倚閭親，中宵淚沾臆。

過硤石

青山夾長溪，上有魚市土。門閉落日野，氣白於水虎。
行車跡外鳥，起鐘聲裡吳。語問居人到，州還幾里。

讀書

世物寡所嗜雅情竹素間
憑按理殘帙樂此終日閒
愛觀姬周衰盛治不可還
淫辯相擠傾大道成榛菅
巧詐足眩世苟得弗顧患
羸秦任商君王制欲盡刪
厚賦山澤空亟戰朝野殘
流風自斯降誅求困孤孱
是非千萬途欲辨亦已艱
賴茲聖冊存足啓昏與頑
誰云古哲駕邈矣難仰攀
於焉誦其言如造揖讓班
寄語向俗子幸勿叩我關
何暇從尔談方對孔與顏

殘燈

凝寒結重暈逼曙零孤朶
膏空逐漏水焰在同爐
火戀影未成眠更就餘光坐

贈兗醫吳氏昆季

洗葯夜潭月斲苓秋塢雲
偶因念殤者來此市人羣
問術或禽戲觀書皆鳥文
誰知仙籍裏元有兩吳君

送黃主簿之歸安

我歌柳惲詩送子南汀發
山城逢杜雨綠樹啼鶯歇
留連孤艇遲惆悵雙壺竭
高士尚為簿休慚府中謁
無事坐閑廳彈琴看明月

送王推官赴譙陽

久治亂所伏國家失其防
初如決洪流拱手徧四方
頻年勞訐謨欲補千百瘡
子為京師客忠憤何慨慷
濯冠捧書函平明獻朝堂
上言固大業下言振頽綱
且為有

萬死 聖明察臣狂 臣言倘獲施 立能致時康 宸居豈
遙遠 只尺天中央 雞鳴列仙仗 九門洞開張 謂宜即召
見 拜起隨班行 上殿笏畫地 論奏殫敷詳 如何寢報聞
不得瞻清光 一官非所願 欲令赴蠻荒 徘徊出都門 風
雨濕曉裝 行過吳洲木 葉秋始黃逢 予解鞍飲激烈
椎酒床 平生憂時心 辛苦不自忘 頗聞到官所 此去路
尚長 紅日出霧遲 孤城海茫茫 遺民似猿鹿 山谷多驚
藏 繁英艷躑躅 瑣實堆檳榔 瘴癘况時作 投老恐子傷
何弗且少留 共鴛豪華鄉 子咲不我顧 翩然決南翔 明
朝指鯨波 高帆若雲揚 去矣各異國 有憶徒相望
槎軒集卷之二

槎軒集卷之三

五言古體

吳郡高啓 李迪 著

春日言懷

芳樹何靡靡 鳴禽亦喑喑 時物豈不好 人事誠多乖 憂
來卧閑房 語咲孰與偕 天道諒不昧 薄願終能諧 惟當
守貞靜 有酒陶中懷

朝臨高臺上 俯視崇崗下 春暉何悠悠 清川自東瀉 陽
和發卉物 時澤均播洒 如何及芳辰 蕭條但空野 願言
釋拘局 登車騁吾馬 曠途不見人 憂心何由寫 興謝固
其常 吾將尤誰者

昔將理歸駕 棲彼商山岑 違機苦不早 終焉成滯淫 迴

颺激游氛白日滋玄陰憂居未經時素髮忽已侵翩
歸飛鴻過我庭前吟無翼與同翔日暮關梁深引領望
西北徘徊內傷心

季春戴勝鳴薄言農功始荒疇何莽迨時不復理蒙
龍荆棘間旬雉時決起思我常所經追隨俠游子偶逢
采桑婦天出墟里舊蹊誰能尋逝者竟如水唐虞罷
揖讓爭奪殊未已吁嗟乎蒼生何尤免瘡痍

退思齋為蔡參軍賦

雞鳴起趨府事至紛善惑應茲苟弗推在理寧免忒歸
來坐深念恒恐有慚德缺政何以裨厚責何以塞豈徒
省厥躬庶用匡爾國昔聞獨樂史中夜忘寢息願君中

勿渝明、此遺則

來鴻軒為張較理賦

高鴻本冥飛不墮虞羅裏朝度雲中關夕遊湘江水驚
風吹行斷傳侶忽萬里哀鳴將何依荒澤難獨止集君
華池側梁稻豐自美響度風脩影沉波瀾克庖知
不忍善惠念終始願君儀天朝脩翰共騫起

曹氏春江雲舍

遙波靄微雲禽寒少相語君家在空濶欲往迷洲渚紛
紛樹離霧稍稍花消雨日暮坐相思江東渺何許

黃君鴻山書舍

伯鸞鬻春地井臼有遺跡之子學幽棲託跡在林石清

風竹林曉片月蘿遲夕遙想一齋空圖書滿床積

贈銅臺李壯士

我祖昔都鄴神武為世雄至今三臺下子弟習古風問
君家何方紫陌遙相通雖云此相遇情與鄉里同君有
力振虎勇氣關山東匹馬輕俠遊刀環綴纓紅正當兵
塵起思立方寸功不從董健兒欲縛蕭老公凌厲越宗
土逶迤出齊中時人不相顧棄之若秋蓬我豈白面郎
少年亦困窮起為壯士歌迅商薄高穹初飲五斗盡再
飲一石空與君豈樂禍西方見妖虹莫謂着鞭晚艱難
殊未終

贈松江張主簿

有田乃有租有身乃有庸不憂微需煩但顧賦役公東
家倉廩示實岳隣機枅空門戶非不齊貧富有不同縣官
皆賢豪豈不念困窮但為嫌疑迫上下相蔽蒙坐看須
白民展轉清凝中嗟々華亭簿彷彿古人風

送李提舉

近別會有期遠別易慘悽一人失意行衆賓顏色低相
顧各無語握手立大堤白沙飛輕烟赤草漫路蹊竈戶
八九家皮肉瘦且鷺再拜謁官長鳴立無所齎孤聽如
荒郵壁落新補泥日沒官吏散角々埜雉啼歸來對寒
燈兒女相孩提雖云去鄉國喜不聞鼓鼙官卑職易稍
牛乃用割雞回首華亭鶴月白露凄々

青丘道中

思君佳翠散每與世情遙林靜狹者果山深虎守扉養
生收木餌俗珍製蘿衣遙想新秋日虫鳴葉始飛

獨步西岡

小雨變野雪餘寒欺酒厄忽來千里別又是隔年期世
瑤誰青眼人生易白髮幽懷禁不得沙上立多時

三鳥

歸夢入烏衣秋風侶漸稀鷓鴣猶及顧戀主尚低飛海
闊迷烟島接空鑿落暉寂憐江上鴈歲口每相違

孤鼓

東風惡一江春水揚花接落惹人衫袖幾人簾幙才飛

却嗟能纖弱修才遠去無拍着無拍着山遙水遠任伊

飄泊

新春見花 踏莎行四闋

白鵝沾苔紅鮑落葉落花堆積無層教當時開折賴東
風漂零遠處是東風妬

宿雨初晴低烟散暮綿々芳草迢々路綠陰深處聽啼
鶯々声更在深々處

淡碧殘紅紅染嫩東風着意催初綻不須抵死恨開
遲々開却得遲々看

醉眼微醒羈羈况欲斷斜陽流水東西岸只知人有萬千
愁花枝更有愁千萬

祭

風晴樹陰薄，正蕪穠。楊花飛盡，揀花吹落。一逕青苔，無人到翠葆。時翻露穽，聽松頂長鳴孤鶴。半沼香萍，風絲住見新荷影。裏雙魚躍。多少恨，蟬忘却。

憶昔看山吳越遊，酒酣鼓棹江中流。左招舞鳳來百里，右顧卧龍橫半州。崢嶸兩勢不相下，氣鬪爭掃當高秋。文身海宇昔分處，有國本是名諸度。區區仁暴固無異，朝吞暮併山應羞。不知千載竟誰主，伯氣倏與飛相收。憑來此地有兵甲，風景似似當年愁。黃雲蔽天道路遠，我欲再尋鹿莫由。聞君作亭壓是竟，坐獲衆勝非窮搜。江長不滿飛鳥度，烽多欲障斜陽留。廢興自古屬造化，消澹。

花庭解翻，籜欲去更長。謠風林晚鳴鶴。

遊師子林次倪雲林韻

吟策頻入院，道人知我閒。尋幽到深處，鳥語竹斑斑。林下不逢客，城中俄見山。床敷有餘地，鐘動莫催還。

與客携樂遊寶積山遂泛石湖

雲山擁春郭，烟花漲晴川。看花入山中，諸峰恣攀緣。客吹玉管笙，合以金桂絃。清音度碧嶂，松風助泠然。宛若鸞鳳吟，要眇入紫煙。行人盡矯首，響遏雲中仙。下山興未闌，相携更登船。虹收嶺外雨，鳥沒湖中天。嵐翠破夕陽，樓閣影倒懸。酒傾綠脂膩，鱠斫瓊絲鮮。獨恨無紅粧，清波寫嬋娟。微風吹帆緩，欲使歸路延。衆賓起歡呼，船

溯水漫舫回櫓掠寺過楊柳山門前此地有離宮美人
艷當年羅裙罷春舞草色餘芊綿况我昔此遊冠蓋十
里連重来復誰在新知滿中筵人事既若斯今古俱可
憐能遊即稱達何須問愚賢我欲呼馮夷捧月出海邊
醉後不歸去相照船中眠

題陳生畫

前村夕陽明後嶺秋嵐積葉落露山村潮來沒江石遙
遙射鴈子慘慘聽猿客何事下征帆西陵渡頭驛

送芭僧東歸

浮雲與飛鳥相聚安可常偶來雲岩寺幾日共徜徉我
去師亦歸澗房欲荒涼池卧孤塔影庭栖雙桂香重過

應未期悵然山水長

丁至恭清樾軒

夏雨濯高綠氤氳冒茲軒微涼洒林表沉色泛溪源羨
子耽獨賞慙予嬰衆喧披襟一蕭散憶在郭西園

徐良夫耕漁軒

朝聞孺子歌暮聽梁甫吟豈無滄洲懷亦有畎畝心昔
賢在泥蟠終當起為霖釣獲溪上璜鋤揮瓦中金茲世
方衰亂伊人邈難尋既迷烟波澗復阻雲谷深嗟我豈
其偶聊將舉幽沉惟子是同袍相期莘渭陰

囊日堂

曜靈趣頽運忽去不待人壯者亦恐衰况乃頭白親心

長景苦短何由盡
懽忻當朝慮遂夕
在夜俄驚晨無繩
繫飛鳥使之少
逡巡置酒上高堂
為樂頃及辰
此日誠可惜
此意良難伸
安得延年術
為親保長春

送張文學之雋李

迴川帶綠樹
窈窕有鳴禽
江郭去非遠
傷離空滿襟
林中古殿靜
池上高齋陰
應有彈琴士
杏花春雨深

送李別駕赴會稽

常別豈不感
此別尤可嗟
一別一去遠
魂斷秋無涯
我何恨別君
猶別其家
霜露滿故園
不待菊有花
越鳥啼楓林
路盡秋日斜
到郡且足樂
間有山水佳

送蜀山人歸吳興兼簡菁山靜者

南浦無碧草
征鴻晨稍飛
何當杪秋節
臨水送將歸
既來不能淹
君心應好違
惻、袂始判遙、帆已微
天高桂樹落
人在山中稀
還尋同袍者
更製薜蘿衣

端居懷兩王孝廉

寡劣時所棄
獨卧無與親
蕭然閉齋閣
左右圖史陳
風雨摧衆芳
令人怨徂春
豈無尊中酒
坐念兩故人
日從賢豪遊
雜還車馬塵
焉知離居客
積抱難自伸

醉贈王卿

持身無可許
里閭任浮沉
不捧諸侯檄
曾辭公子金
斗酒豈辭飲
感君知我深
誰無旦暮急
相周唯季心

贈群上人

湖雨洗秋碧西南見諸峰中有楞伽僧迥闕超世踪高
風搖飛泉落日帶遠松欲往已知處烟蘿鳴飯鐘

西齋池上芙蓉

池荷已衰颯孤艷仍獨在滄洲遠夢違風露妍姿改窈
窕徒自媚寂寞還誰待此地托根偏非無美人採

詠軒

肅、布華榻冷、罷朱絃臨檻一流睇幽事忽滿前池
草方依微庭柯正蕙芊偶亦發孤詠聊茲寫中情景融
理自得詎辨蚩與妍猶慙至妙意寂寞非言宣

劉凝之騎牛圖

夫子初亦仕絃歌頽之湄園廬忽在念解綬言歸期方

春養孤犢既耕亦以騎春風草茫、出遊徧山陂田家
肴美酒輒醉不復疑當昔天聖間實諦休明時豈無理
人術終思塵鞅縻嗟今屬喪亂懷策競欲施清芬遠莫
挹載誦廬山詩

驅瘧

我生東海壖氣濕素善支方景忽遺疢末旬愧消羸俄
頃水火爭寒冰繼炎曠楚續南謝挾齊統遽奪持戟如
恐墜陷燒若當遭炊向夕勢漸消臨風與清池既去謂
遂息明午復如期俯仰天地寬無處窺眇軀思我負到
病由是生累嗤豈伊水帝子遺威肆相欺會當濯滯昏
靈藥雜進施里閭習風瘴鼠勸懷驅韓子蓋有託詳

能辨其詩

客有不樂者

客有不樂者，坐空堂，幽明燈，孤影對酒，鳥能酬風，
雨忽夜至，翠衣颯，驚秋葉，隕已微，蟲鳴，高秋，於當
屬有念，苦願，君聲，收，讀書，仰千古，命駕，志九州，孰云吾
多智，有已，不解，蘇，漢，飛，既難，拔，荀，得，亦可，履，中，道，固，寐
寔，寔，寔，諒，誰，尤

和徐幼文與祝隱君贈答詩韻

昔遊紫藤塢，空山鶴鳴秋，相望隱人居，興闌竟回舟，邇
來獲塘賞，雲巖劇風流，每欲開南軒，招我共偃休，天寒
鴻鴈哀，憂荷露，長洲豈無一，勺酒，訪子溪，水頭終，慙，支

墨牽只尺成阻，修聽雨掩閣，卧觀泉上巖，遊朝覽，贈答
篇詞藻，誇兩優，味之殊雋，永觸手虹光，浮我本丘壑，人
猿鶴肯見，留擬結歲晏，期壺觴展綢繆，况聆西澗濱，禪
宮闕清幽，夜看太湖月，遲我同登樓

謝陳卿惠冠

佳木產異域，質理密且堅，斷為野夫冠，我然着我顛，故
人遠貽贈，皎若瓊瑰，鮮覽鏡見雅宜，鄙姿忽成妍，持報
乏金玉，殷勤在斯篇

朱生讀書所

高士寡所嗜，雅情竹素間，此牕夏陰敷，散帙欣燕閒，汎
觀古始來，治忽儼未刪，重華去已遠，鳴鳳何時還，微言

雖能尋往躅那可攀當感既拊膺遇得亦解顏詠歌南
風前至樂孰與班方爾對聖賢俗子毋扣關

贈李元脩

幼文約余與止仲同宿士明鶴瓢山房為試茶之會
余既入郭而幼文已歸山中士明亦往海上止仲復
以事不赴士明姪元脩留余夜話因賦是贈之

道人出未歸高士來復去試茗失幽期寒齋成獨住冰
生洗藥池風動懸瓢樹賴有阿咸賢玄談到天曙

堂下栢

堂前四小栢羅立二尺長始栽附南墀遠移自東岡春
夏衆草芳翳沒成久荒低枝網虫懸暗葉螻蟻藏不

夕露氣每隔朝陽光我病廢筇理覽之屢彷徨玄冬忒
嚴候迅風激飛霜蕪穢忽自除鬱鬱然露蒼若恍若群鳥
散鷓雛得翱翔乃知受命正雖弱自可強循步賞動色
撫板挹微香幸得依我居勿令綴牛羊他年培養成凌
雲孰能量後凋誠足貴蚤厄庸何傷

懷徐幼文

哀鴻乍鳴渚落葉初覆陌故園當授衣却思遠行客客
行日已遠我思日已積東南望歸棹鳥去烟波夕憂共
不成言滿抱空戚、豈無一尊酒黃花為誰摘

會宿城西客樓送王常宗

君來歡不足君去憂何遽共聽楓橋鐘留連恐將曙留

鳴故苑草鳥起高城樹明日獨登樓歸帆渺何處

袁氏高節樓

海上有高樓朱甍煥晨光清風自遠至吹動羅衣裳樓
中單樓人憂思起傍徨良匹已久發自誓不再行欲取
哀琴彈仰見孤鴻翔孤鴻去何極撫景空嘆息感傷嬋
娟容思作憔悴色憔悴非一時黃泉以為期含情不能
道聊詠兩髦詩

施君眠雲堂

古弁一高士白雲與之儔性懶復好眠招雲駐林丘下
雲作簟席上雲作衾稠雲去稍舒滕雲來正蒙頭平生
無心夢與雲兩悠、自言眠雲樂世無一可伴浩然身

欲飄若乘無倪舟朝至乎帝鄉夕返乎仙洲寧知日月
旋但覺乾坤浮天雞叫不醒宵、空巖幽我觀山川氣
出入不可求或逐鸞鶴翔或從蛟龍遊或為風伯驅狼
藉不可收或遭雨師怒奔走無能休小生膚寸間大覆
徧九州變化實多狀欲算苦費籌柰何一室中爾獨解
使留我行塵務區願出久未由舉足常防危開眼即見
愁不如閉戶瞑往尋孔與周愧無山中綠雲肯相從不
惟當往從爾一夢三千秋

京口張氏世壽堂

天與下民壽各有百歲期行年不能滿人自傷折之難
鳴晨關開衆車起交馳茫、欲海中神位那能知醲鮮

薦廣席妍妖貯深惟白日未及終紅英忽先萎春風北
邛原青草冢纍借問其下人得老還與誰翁家鶴溪
陽先朝業書詩一門四葉來俱聞享期願世壽何獨能
世德尤不虧翁今眉生毫益以道自怡浮榮等飛煙昏
旦從變移不嚙華池漿寧食古柏脂澄觀息內想心閒
自難衰一牀坐松陰風巾夕披承顏立侍側亦有白
髮兒嗟我生甚晚况復值亂離故老不復親猶及翁在
茲願言拜堂下聽說昇平時

送張隱君歸耕西山

山中久無人秋風桂枝衰朝逢還山客言赴白雲期人
出君乃遁嗟哉此何時東岡有良田負耒當自治四體

雖云勞歲晏可免飢而來未能返驅車竟何之

埋篋得諸友詩存歿感懷成詠

閑理亂帙中乃得故友篇顏色見遺翰瓊華尚清妍憶
昨遊名都結交此群賢日枉貽贈詞情文藹相宣俛仰
未十周飄零若雲烟生者應白首死者皆黃泉屈指俱
別離羈愁獨江邊舊懷誰能識洒涕東風前

次韻包同知客懷師聖

我少未嘗事處世百不憂譬如生馬駒奔放安可收豪
華欲縱觀西秦更東周結交原巨先共作緩急投焉知
化純謬終然此淹留出門遇途人空策果下驢積雪被
岡原大風揚河流撫茲歲暮懷局促誰與謀君從東方

來亦是慷慨傳，偶居冷官廬。設誦九聚丘，惟火無膏油。
起歎夜正幽，自憐非匏瓜。寧不有所求，耻隨軟媚子。取
笑同伶優，大言衆皆驚。千獻不一酬，空時尋我飲。醉捩
髯，颯颯君今勿多談。已具兩釣舟，鷗波起春江。歸踏澗
可由無為坐，自苦素髮實易稠。

浦江鄭氏義門

好鳥勿鎩翼，鎩翼難為翔。佳樹勿剪柯，剪柯難為芳。人
生有同氣，胡忍自戕傷。肯復多支生，誰趨急難場。請看
鄭家兄，為弟死。維楊子孫復，聚居流芳久。彌長十世一
門戶，百身一肝腸。囊無私藏錢，釜有同炊糧。問男何所
為，讀書講虞唐。問女何所為，鳴機織流黃。晨興各冠珮，

于上高堂聽翁教。戒言祇受不敢忘，雖生甌越區如在。
鄒魯兩朝太史筆，特書為褒揚。行人問其廬，喬木鬱
蒼蒼。何須雞哺狗家昌，乃真祥真祥由德生。天心果何
常，我欲遊麟溪。壽翁奉一觴，莫聽荳萁詩。听歌隸華章。

送王檢校之廣東

國士抱玄璞，瞽師薦朱絃。質音豈不良，衆俗迺是捐。勿
恤衆俗捐，始昧當終喧。志士構時屯，歷說未見賢。朝遊
秦關中，夕宿漢水壩。惶惶詎無勞，亮節要自全。青空撫
東師，重光麗中天。恢業萃群林，虛若海受川。眷言屬茲
寄，遠抗丹徼旃。高翰歟飛翻，孰得羈係馬。揚芬貴有烈，
崇德願無愆。願已尚留滯，殞涕沾前筵。

答張院長雨中見懷志道

林園寢扉掩閑坐道心生山藥翻寒色塘漪含曉清
違枉芳札遠憶愧深情此日知同寂悟窓聽雨聲

秋日寄王太史

常宗

媯雌太史自海上入郭因得追游以叙舊好今日風
雨偶闕晤言樓居早寒懷人尤甚想孤寓僧林同此
岑寂也賦是以寄

良辰曠清晤窮年秉離憂條來自海壖諧我心所求不
殊雲中鴈和鳴得其儔宴閣既連席行塘復同舟坐聆
金玉藹鄙拙何以酬風雨戒茲旦居然阻從遊祇園念
孤寓微瘵苦未瘳落葉驚早寒誰當慰淹留朋來不我

諧願已良有由從茲睇停雲夕倚城南樓在遠分難親
居近彌使愁信彼詩中言一日如三秋

登樓看雨有懷

清曉看江雨獨登江上樓人煙與草樹蕭瑟滿城秋砧
響寒稍急鴻聲哀更流故知隔楚塞西望忽成愁

舟中早行

隆津鼓動江火留餘閃人家未起耕近水寒扉掩船
開鳧鴨散樹吐煙霞斂東郭去方遙青山見孤點

金進士軒前葵

幽園夏雨歇戎葵乍翻風獨於群芳後閑依萱草鼓山
艾葉映綠海榴花競紅敷榮午簾側流馥夜窓中應有

傾陽意將軍心正同

春草軒雨中懷王太史

西軒罷琴坐涼思欺白苧風、樹聲繁秋風滿池雨蓮
衰少暗馥禽靜多幽語對此闕良儔當懽反傷緒

姚牧林軒

林居孰云陋幽意欣自適隣無醉歌吏室有玄言客風
踈擲當晨月皎琴御夕塵駕衆何淹窮年抱空癖

魏使君見示呂忠肅公舊贈詩因賦

公昔隱江夏岩棲避兵革遠挹戴斜鸞清風洒泉石有
時歌梁甫慷慨人未識左丞中朝彥仗節任方伯此還
駐嚴程造廬問籌策知非山澤儒期是廊廟客磯石繫

官舫猿叫月初夕秉燭題贈詩蒲圻掩孤驛欣、得賔

喜耿、憂國戚短章寄深情相投重珪璧邇來復幾年

淪落已陳迹公起佐 興運身名正輝赫侍講肅丹闈

專城森畫戟緬懷舊知己永歎泉壤隔難懸延陵劍室

聽山陽笛遺篋中藏來每誦如再覲真能重友道未許

薄俗易一言不忍忘况乃膺寵錫小大固可知令人義

肝激

東屯即事

朝服久已解儼然山澤癯秋狎林下人相歡濕、賔愚朝
來此水濱高歌步踟躕忽逢一田父舍耕拜路隅疑我
是長官惟我體貌殊我已忘所有彼我未忘歟不能使

爭席心愧禦寇徒

暮途書見

暮歸東市門道路聞悲啼駐馬一借問答云征人妻征
人新戰歿飲恨沉黃泥有兒在哺下飢來食無糜
割慈愛棄去後東西我看巢中燕雛長隨好飛望
萬物無照理弗違此獨何奇偶不能與之齊躊躇去後
顧使我心肝摧

槎軒集卷之三

槎軒集卷之四

七言古體

吳門高啓李迪著

松隱居為戴叔能賦

江邊柳樹溪邊花晉處士宅秦人家秋風忽來春雨過
坐看衰落俱堪嗟山中相依歲年久羨君獨結蒼髯叟
短褐長鏡不解耕茨苓作食花為酒我全身似浮雲閒
正合著在長林間明朝倘許同棲泊便擬飛隨白鶴還

夢竹軒為陳惟寅賦

匡山老客何清真自繞園屋栽蒼筠年來無肉雖苦瘦
家有萬玉誰言貧一竿護惜不忍剪何以持釣橫江鱗
僅來掃葉自可喜客至踏筍長遭嗔輟輟啼罷結遠夢

碧雲忽墮相南春，凍陰翳、潤琴硯濃翠冉、沾衣巾
詩成時向節下寫醉墨，點破烟痕新風來清嘯與相答
若聽金奏怡我神，知無顏色媚兒女自古相愛惟幽人
洛陽陌上花易過，歌鍾競賞勞車輪何如此君最耐久
歲晚結托同情親，亂聲朝來簾外雨踈影夜拂牕前塵
我嘗種此欲免俗，亂後伐盡惟荆榛故園只尺未能去
移家幸得為子隣，往來倘許如二仲敲門借看毋嫌頻
和杜彥正徐幼文過甫里
桃花紅雨春江狹，舟逐飛鷗櫓雙夾甫里祠前有客過
竹弓莫射能言鴨，我今塵夢何時歸水漲夜沒祠前磯
長歌滄浪拍銅斗，誰酌先生一卮酒

獨遊山中懷周履道

借居水北隣，雲岩醒遊醉。卧月滿三空，山孤愁似放。逐
踐蛇衝虎，窮幽探綠梯。上窺萬仞壁，垂緆下汲千丈潭。
稠蘿翳壑變，朝晦恠卉發。澗留春酣青，山識我豈生客。
魯與周子來，睽睽是時秋。高鶴聲厲霜，降兩嶠。纜收柑
飴餘洗足，上堂坐手揮。談麈風毳，如今故人亦遠去。
帆葉暮落吳江南，斷崖蒼蘚漫舊刻。徃夢追想情何堪。
巴僧不厭客，屢至篝燈夜。禪同一龕，風回忽洒石門雨。
日出盡消溪市嵐，乃知山水有深趣。天意獨許窮人語。
我今豈是慕高隱，非才濫進能無慚。業緣種去畧盡
惟有佳句猶相耽，便求安心向佛祖。不待婚嫁女與男。

送林謨秀才東歸謁松江守

江城秋陰朝不暉，落葉古巷人來稀。
林生何求乃過我，敗屐躡雨投閑扉。
自言少習澤宮射，思侶衆士登王畿。
風塵失路困漂轉，我豈無志時其違。
欲充材官挽強弩，關塞莫解窮城圍。
將從隱者服短褐，霜露難採荒山薇。
長年旅舍破羶冷，坐厭蟋蟀愁伊威。
諸侯得意盡輕容，顧影竟傍何門依。
南津昨夜砧杵動，風來燭前驚攬衣。
家人倚戶望應久，宿春未辦悲慙歸。
今朝江帆偶東轉，潁借子語為光輝。
嗟予亦坐窮作祟，讀書不出遭罵譏。
士無賢否貧者鄙，此言信矣誰云非。
囊乏黃金可揮贈，有詩寧救君腸饑。
雲門使君本儒者，貴顯尚肯矜寒微。
倘開深池養病鵠，翼成待看摩天飛。

送張進士祥北上會試

至正戊戌作

國家文治今百年，多士商賈皆知天。
南宮坐試二三策，能使海內無遺賢。
院門晨開官燭爛，白袍鵠立入三千。
上談禮樂祖姬孔，下議制度輕讐玄。
臨軒曾蒙宰相賀，雲瑞盡見當臚傳。
看花或騎太僕馬，錫宴每給司農錢。
登朝出牧知幾輩，冠佩劍舄紛相聯。
迺來國運屬中圯，爭慕死節羞生全。
潯陽老守鬚汗赤，山東大將薨沉淵。
迺知儒術王政本，至此尚賴扶傾顛。
諸生區區抱遺籍，草萊竄亡亦可憐。
南方上公境獨治，鹿鳴更欲興賓筵。
入場义手萬言就，衆目一葉驚先穿。
嚴裝又隨計吏發。

京城遠瞻比斗連秋風吹雲別酒吟枯楊淺水閭門邊
君行勿亟我有語落日正在車衡懸竊聞天子正側席
此去為拜彤庭前揮毫體秦醴泉頌給札莫賦凌雲篇
但當開口論世事歸令次第宜何先坐令王綱復大振
軋樞共仰天中旋我方有志未能往矯首萬里雲茫然

謁張中丞廟

大宋月一少時宋舞女既登天子林江頭老臣淚暗滴
萬乘西去關山長公卿相率作降虜草間拜泣如群羊
當時不識顏平原豈復知有張睢陽孤城落日百戰後
瘦馬食尾人裹瘡男兒竟為忠義死碧血滿地嗟誰藏
賀蘭不斬上方劍英雄有恨何時忘千年海上見祠廟

古苔禁木秋風荒摩挲畫壁塵網裏勇氣燁虬鬚張
巫歌大招客酌酒忠魂或能來故鄉

送陶記室

馬頭交語臨長陌我手持杯君揖策官槐風起咽秋蟬
日暮偏傷遠行客故鄉故人離別多過江相見問如何
軍中莫咲書生怯還有能當曳落河

送劉冠軍

朔風吹雪復吹沙壯士此日行辭家酒酣悲歌和擊筑
四座離人泪相續黃鵠舉矣其柰何同心遠別今無多

送董軍咨赴邊

官亭風多酒旗折獨騎山行滿鞍雪此時我友去邊城

不是尋常送人別誰憐磊落萬夫奇豪氣都因篋內詩
乍見難留十日飯重來定隔幾年期隨身一劍寒江上
遠事西平莫惆悵汝祖曾遭布被兒白頭只作江都相

送張負外從軍南粵

鷓鴣啼霜海城白誰掃行車出南陌刀頭裝得願酬恩
知是狂遊廣州客擊筑悲歌斗酒前遠隨諸將去臨邊
幕中草檄風生筆馬上吟詩月在鞞秋聲萬里隨征鴈
南北長江竟誰限明朝若上越王臺應有中原陸沉嘆
夜坐有感

一鷓不驚城鼓低窓雨入竹暗淒淒東隣夜宴歌尚齊
西隣戰沒正悲啼此時掩卷誰能問默坐燈前對瘦妻

宿蔡村夜起

四更雞叫七星爛獨起開門候天旦月掛愁邊人影低
風驚夢裡烏群散孤舟嫠婦寒自泣破屋老農貧屢嘆
早飡欲發未遑安客路飄零正多難

寒夜泛湖至東舍

漁邨港頭初月上鵝鴨不收菰苻響隔湖烟寺遠鐘來
居人盡歸吾獨往寒風蕭蕭寒浪生舟中欠載酒壺行
東家未宿如相待黃葉青燈機杼鳴

苦寒書江上主人壁

慘節欲盡郊原空北風五日吹沙蓬客子東遊骨肉遠
主人賴有江邊翁青燈白酒同傾瀉醉擁布衾茅屋下

中宵不敢愁苦寒猶有窮年遠行者

次韻徐幼文詠雪禁體

邊城雪埋深沒籐風旋餘花吹酒盃幾人斫虜渡冰河
直指彎弓不能滿我方高枕聽蕭瑟却喜今年瘴全浣
寒添柳院覺春遲明透竹窓知夜短未成豪飲圍翠袖
且辨清吟呵象管鋪庭推路掃難開三日不消應待伴
翻疑塞北雲正冷可信江南地先暖愁封小窟僵蟄虫
驚折危柯殞巢卵林中樵絕暮無煙野外獵來晨有曠
趙女依稀舞態斜郢人寂寞歌聲斷此時自嘆少清歡
月下閉門誰解款山居老客雖苦病放曠猶能類中散
長鬚踏凍送詩筒白戰令嚴烏敢緩開簾尚恨不同賞

醉看帽歌仍襖袒祇期明日有晴曠遠訪梅花須勿懶

次韻楊孟載早春見寄

雪後西園韭初剪流澌晚動春塘淺閉門有客抱深愁
久不題詩硯生蘚風塵健兒誇得意獨坐寂寥誰所遣
應緣少學與時違不習弓刀誦文典城中物貴市門靜
好事猶能具盃鬻琴堂朝夕共清歡大白頰浮不容免
鈴騶已遊賓客醉深夜垣扉罷扃棧一燈留照對床談
沸鼎松聲烹綠葑五更上馬子先去擁被獨眠窓日暝
起聞啼鳥忽興發欲往江邊雲隔爨人家舊燕盡巢林
草滿長洲綠遊輦春耕只尺阻歸計野水自流閑滄畎
吾鄉繁華天下稀花柳村、隨步轉久間離亂今始見

煙火高低變蓬燹登臨吹笛散群羣
此事空嗟千古鮮
朝來風雨况凄黯
雨濕城頭旗不展
隣里衝泥備役夫
縣官不肖怜疲喘
安居且復俟時寧
出豈無能非退倦
范庄紅杏幾株在
好待開時同折樵
對花憂患不須言
剩喚一杯供脚軟

賦錢散人江村二題

臺前夜半烏啼時
起望明月彈商絃
月來照見臺上影
松桂滿山風露冷

右望月臺

江流欲澌魚不起
一蓑獨釣寒蘆裏
漁村茫、煙火微
雪滿晚篷人獨歸

右釣雪灘

中宗射鹿圖

赭袍玉帶虬髯怒
人如真龍馬如虎
英風猶似天可汗
肯信昏孱困韋武
上林草綠聞呦、飛鞚辟歷捎長楸
畫旗圍合晚猶獵
後庭雙陸誰行籌
追遊不記房陵辱
五王謫來勢尤獨
空誇大羽發無虛
不射妖狐射生鹿
畫圖令人生感嗟
天寶回首飄胡沙
神孫早解習祖藝
不遣嚙出宮中花

趙希遠畫宋杭京萬松金闕圖

長松掀髯若群龍
下遶宮闕雲千重
鳳凰山頭望前殿
翠濤正涌金芙蓉
海門日出潮初上
白鶴飛來近仙掌
百官候綴紫宸班
露滴朝衣氣森森
漢宮楊柳唐宮花
容易零落空繁華
何如可獻至尊壽
袞袞美似安期瓜

鑿輿因戀湖山好樓閣清陰勝蓬島不知風雨汴陵前
虜卒新樵幾株倒當時榻前初進圖黃金趣賜聞傳呼
何年流落在人世父老猶看思舊都客行近過吳山下
落葉空林惟敗瓦豈無畫史似前人秋色凄涼不堪寫

菜蕝為余唐卿賦

桂桐里中君始歸菜花滿園黃蝶飛桔槔倚樹長不用
江南雨多山土肥方畦獨遠看新綠晚食何須尚思肉
翠縷登盤春韭香金釵出盎冬菹熟我家亦在萁菘鄉
秋風便應隨共嘗厓州司戶成何事回首空愁足萬羊

海石同張思廉賦

大星墮水聲若吼祖龍夜叱神羊走誰將五色補天餘

屹障狂瀾歲年久空憐山頭精衛鳥身墮風波嚼不了
媧皇去後幾棄田鰲背靈峰一拳小

雪海為楊孟載題

楊嘗夢過海見大雪因以自號云

江國黃雲閉寒節一鳥橫歸暮將絕聞君何能海上遊
萬頃茫茫看飛雪人間熱惱相煩煎清夢遠欲追群仙
鯨波無窮只飛渡此夜不要山陰船蓬萊玉妃下相見
白鳳踈翎吹落遍月薄烟空看不分拂袖時驚有餘片
濤頭忽湧千崔嵬恍疑積慶高城堆齊州遙望皆一色
却嘆此水真銀杯瓊臺苦冷誰能宿覺後應愁躡生粟
踞斷那堪問碧桃歌殘猶記聽黃竹回頭弱水淺復空
飄花條滅隨春風迺知何者非夢幻鷄鳴旭日初生東

鳳臺三益圖

元集賢待制馮海粟公自號瀛洲客嘗被斥遊金陵
登鳳凰臺作詩吊李謫仙好事者為圖索題之云
謫仙昔作供奉臣詩語不合妃子嗔鑾坡無地容侍直
錦袍來醉金陵春金陵臺前鳳凰去西望長安竟何處
江聲空打石城潮山色猶橫歷陽樹騎鯨一去五百秋
花草滿逕埋春愁瀛洲老客綠玉杖咲領賓客還來遊
才氣風流頗同調曾入金門待明詔當年流落不自悲
却問前人欲相吊可憐二子遭清時放逐江海空題詩
賴有高名足難朽何用粉墨他年垂夕陽闌檻登臨後
誰復來遊酌盃酒屐痕窈冥隱蒼苔棲烏啼滿臺前即

儀鑾樓

淮南張架閣家舊有樓在儀鑾江上

經兵燹已廢與予會吳中乞追賦之

秋風嘗歌遠遊篇樓中舉手招飛仙山奔海瀉盡供覽
逸思每出孤鴻前雕闌一別應非昨幾度淮南桂花落
酒酣却作望鄉人那得東歸似黃鶴風景如今總厭看
客愁何處更凭闌欲問日邊知遠近浮雲回首蔽長安

明月舟

秦郵呂隱君題所寓之室曰明月舟

蓋取甓杜湖中有明月之句也

明月非月舟非舟問君乘之何所遊風多浪高徧處處
日莫欲渡令人愁此鄉偶侶淮南住醉客每來歌白苧
夜深天黑夢神光幾箇驚烏落高樹君才照國不照車

何用尚隱江湖居嗟予未識青藜杖願借舟中卧讀書
約王止仲遊范家園看杏

去年春色近清明萬匝煙花夾曉城西陌相逢車馬問
何人不是踏春行今年人迷去年道風雨不來花自掃
僧寺庭空半紫苔侯家宅廢皆青草縱然無主一株存
憔悴塵沙不可論野外日斜啼鳥散消愁無處却消魂
魏公園林芳塢下聞有柔枝正堪把休言亂後少花看
得到花前人亦寡明日尋君莫違共隨游蝶晴暉
閉門夢斷江南晚忍見迢迢春自歸

同周思義過幻住院看梅

郭西雪後尋僧院短竹穿沙水如練梅花百待我儕催

十日春寒未開遍忽思前日渡江水夜解征帆不山縣
偶逢一樹在官廨為寫新詩水滿硯關山夢外今五年
縞袂誰家月中見自慚喪亂尚飄泊淚眼如看故人面
黃昏酒醒逐寒影繞樹千迴意無倦南枝北枝亂如雪
未許東風吹一片名園桃李盡荆榛空谷獨開君莫怨
重来省視兩何如惆悵歸時有餘戀

和衍上人觀梅之作

籃輿偶出青山郭寒雪初晴東雲薄梅花一路幾千株
半發園林半村落夜窓轉曙雞欲驚寒谷回春蝶應覺
浩蕩才迷醉客魂婣娟更伴幽人樂我來如蝶東西飛
不敢題詩慙筆閣歸時落月照書屋重覓餘馨夢難托

高僧已澄法眼觀也愛一枝供寂寞便拖藜杖敲竹扉
遮莫人嗔賓客惡風雨休嗟已亂飄世間何物長如昨

和朱高士遊山之作

我謀我隱西郭西讀書坐覺長身低出門到寺纔數里
野水沙竹生秋輝恨無酒舫漾落日百錢行自懸青藜
時危未卜久安宅幸遇勝地須攀躋山中况逢暑雨過
枇杷對高陰滿池興來即遊興盡返迎送豈要山僧知
兩崖石根下挿水綠藤倒拂風生漪空堂朝鼓起龍蟄
高塔夜鈴驚鷓鴣棲人生在世本為客隨意且留何必歸
丘陵莫嗟今日異城郭更恐他年非蒼茫萬事孰可問
孤鳥已沒空煙霏念君不游何所為作字寄我如張

真娘有靈應大咲把酒豈不飛題詩秋風今朝動江浦
掛席正是當年期與君一吊典廢迹荒臺古樹聞烏啼

次韻答宋冠軍遊城西之作

前年城西作冶游柳條拂蓋花迷舟笑看明月問狂客
我舉大白君當浮去年城西復偶住酒伴家：邀即去
東隣寺裏花正開半醉半醒遊幾度今年有花愁獨尋
閉門三月卧春陰將軍小隊遊何處日暮空聽車馬音
身橋秦娘殊尚麗為我喚來歌水調客愁草：不易除
世事茫：本難料玉壺一双秋露傾唯此可以陶吾情
醉歸共歎草中石咲壁片弦霹靂鳴

晚步西郭見駕鵝羣飛

平煙漠漠天蒼蒼，牛羊不收野草黃。駕鵝東來高作行，
晴空忽墮數點霜。紫塞碧海遙相望，下視身軀愁陂塘。
書生見此心欲癡，便思呼鵝上馬馳。鵝之裘自倒披，
箭聲脫弦鳴，餓鴟遠翻正落雙。來羞仰空拍手誇絕奇，
豪氣服殺并州兒也。滕開門坐詠詩。

北郭秋夜喜徐幼文遠來兼送南遊

東海徐君我同里，日共周旋接冠履。斯人自是真可人，
不見心百髮見之喜。豈容遠別間山岳，兩歲僅收書一紙。
頗聞微祿不自養，霧雨南方疫時起。誰能忽送千里來，
應有飛鴻度江水。蛩聲今夜空館涼，秉燭相看疑夢裏。
莫枝何以失舊色，客路風塵亦勞矣。我今不解出門行，
病眼流眵肉生髀。與奪得喪未足較，惟有一貧聊復爾。
暫來即去何使然，撫琴東西覓知己。當時結交豈不多，
下車相揖今無幾。願君窮達存此心，勿使千年咲餘耳。

謝陳惟寅贈其故弟惟允所畫山水

大髯袖中有廬嶽嵐氣噴，人寒色薄出贈生。綃一幅圖
云是小髯之所作，我嘗游君伯仲間。仲今已矣空見山，
畫中無限磴礧意。使我坐見愁滿顏，重崖複澗迷樵路。
杳杳煙蘿畫如暮，溪閣風生醉客眠。野橋月出歸僧度，
樾林蒙密楓林高。深處似有猩猩獺，滿空雲凍動秋思。
飛泉落日何蕭騷，揮毫若此難再得。白鶴何時返鄉國，
良工自古多苦心。留賞人間賴遺墨，南宮北苑皆已僊。

此圖與之當並傳坐嗟存歿意難報作歌愧匪瓊瑤篇

天香深處題周遜學卷

仙芬染骨濃無跡秋入畫堂簾不隔夢尋老蟾烟霧迷
碎落金蟲夜愁寂素娥舊栽無兩棗萬古散吹秋滿空
熏羅不爇象籠火人倚画闌清影中蕙蘭暗泣幽馨歇
只有瑶芳占凉月

朱澤民荆南舊業圖

睢陽醉磨一斗墨夢落荆南寫秋色太陰垂雨尚淋漓
哀壑回風更蕭瑟楓林思入煙霧清湖水愁翻浪波白
溪上初逢野老航山中遠見先生宅秋田半頃連芋區
茅屋三間倚蘿壁僧來看竹乘小輿客去尋琴借高屐

任公臺下石可坐周侯廟前路曾識庠迹時留暮苔紫
蛟氣或化秋雲黑城郭當年別已久風塵此日歸不得
落日書齋半壁明畫圖卧對空相憶

金華葉山人煮石山房

山人不飯粳稻香咲指白石為餓糧金華之石猶可食
元是舊牧初平羊荆榛拾歸夜深煮自言久服能輕舉
但令隨處有雲根不問青天旱無雨我生無力耕西疇
硯田欲枯抱饑憂便當從君學此術絕勝乞米監河侯

蕭山尹明府吳越兩山亭

憶昔看山吳越遊酒酣鼓棹江中流左招舞鳳來百里
右顧卧龍橫半州崢嶸兩勢不相下氛翳淨掃當高秋

文身鳥喙昔分處有國本是名諸侯區、仁暴固無異
朝吞暮併山應羞不知千載竟誰主伯氣條與飛烟收
邇來此地有兵甲風景頗似當年愁黃雲蔽天道路遠
我欲再尋應莫由聞君作亭壓是竟坐獲衆勝非窮搜
江長不隔飛鳥度峰多欲障斜陽留廢興自古屬造化
登臨未須生百憂但當矯首望東海一杯笑舉邀浮丘

贈丘老師

長春之孫具仙骨袖有蟠桃食遺核平生不學燒汞方
唾視黃金等何物滿城誰識舊庚桑白髮人中似鶴長
時上高樓惟獨醉榴皮書破壁塵香

贈禱雨步鍊師宗浩

白頭道士騎一鶴手把青蓮下窳廓人間又見海田枯
十丈黃塵沒城郭昔年服事茅長君能役神鬼呼風雲
下為群生掃旱沴雨工驅起如羊群陰雷填、天欲怒
靈飈吹旗紫壇暮書入重關虎豹開壁沉古井蛟龍護
湏臾甘澍何滂沱十日不雨應無禾祠官空為大雩舞
覲女羞作迎神歌明朝師歸定何許雲裏懸珠大如黍

贈陳孫兩義士

泉南兩士陳與孫少小相約為弟昆合踈成戚契誼重
異木纏結如同根升堂握手出肺腑交拜二母開壘樽
具舟期賈海外域欲度夷楚窮崑崙滄溟東望浸天爛
颶風怒攪波濤渾天吳恍惚出怖客掀舞蛟鯨飛鵬鯤

孫言陳宗惟子在遠涉巨險吾宜奔汝親頭白倚門切
慎勿輕去違晨昏相讓不得乃更往挂席遙指扶桑暎
望山行覓島中國卉服通譯侏儻言尋煙暮投薜荔屋
趁墟晝集桄榔村踰年還家喜得寶木難火齊并瑤琨
探囊用取兩不較屑。彼我誰復論急難相援誓終始
歲時宴慶烹羔豚義風久已動殊俗稚結相見知欽尊
我聞同氣有爭利闕墻往、墮家門又看結交許歲晚
盟盤未撤渝情恩管鮑居貧乃共濟餘耳得勢終相吞
若茲二子古亦少簡牘可使他年存作歌為繼王子傳
薄俗視此應堪敦

贈賣墨陶叟

龍井老人稱墨仙有家近住荆溪邊鐵臼秋鳴竹屋雨
瓦溝春掃桐窓烟玄玉初成敢輕用萬里豹囊曾入貢
日長小殿試烏絲迸出驪珠光欲動世間潘李今已無
黃金滿篋爭來沽詞臣供寫上林賦畫史藉作瀛洲圖
文物年來頗凋弊喪亂誰言少知貴便須從子乞雙螺
醉草檄書磨楮鼻

茅臞叟夏山過雨圖

前山冥、雲欲開後山隱、猶聞雷江南六月風雨過
樹暗不見巫陽臺奔湍衝斷石橋路下瀉谷口相喧逐
陰開林壑鬼神去氣濕石洞蛟龍回人家出門看新霽
泥封墜果多楊梅漁樵欲歸謂已暝返照峻壁蟬鳴哀

山中此景誰解寫茅翁素有丹青才新圖一片似海岳
高堂未展涼先來嗟予久逐揮汗客蓆帽障日趨黃埃
問翁幾欲東迷去如此畫圖安在哉

錢舜舉畫摘阮美人圖

圓槽象月脩寒玉暗貯官商滿空腹美人和恨抱秋風
偷寫琴中舞鸞曲傾鬟低黛幾娉婷夢約湘娥倚竹聽
滴盡水盤老蛟淚阿咸帳底醉初醒梧桐落翠萎蘭紫
仙澗流雲含玉子甲屏難障夜深寒恐踏驚鴻忽飛起
不識人間出塞聲瑤臺別有斷腸情調終人去哀絃歇
桂樹烏啼墜斜月

槎軒集卷之四

槎軒集卷之五

七言古體

吳門高啓李迪著

送張明府之官雲間

鱸鄉亭前楓葉稀讀書堆下征鴻飛孤城迨迨秋色裏
作官自好休思歸扁舟晚待潮東去琴鶴由來是家具
別意方留江上杯離心已掛雲間樹如此風流一使君
文章政事更何云絕憐退食兼榮養不向天涯望白雲

送王邑長彥強

雨昏沙溆菱葭濕離人暮逐江鴻集煙路逶迤一帆入
縣齋明日想秋吟古城高樹清砧急

欲訪李孝廉至婁江遇風而回

船頭曉日浮江面東望青山是婁縣尋君此去愛潮平
出浦那知風色變烟雲翕忽波浪湧指尺漁村已難見
高樹巢傾鸛鶻愁深潭窟徙蛟鼉戰舟師挨柁苦無力
帆勢如蓬幾飄轉中流不進卻歸來握手何由遂初願
人生會合應有時天意茫茫吾敢怨

姚烈婦

城頭黑雲如破屋車走爭門折千軸姚家新婦亦東逃
舅姑驚惶兒女嗥自知數口難俱免欲渡前溪舟尚遠
囑夫棄妾當奉親獨赴清流不受身此日誰能問南史
如婦曾書幾人死

陳節婦

嬌兒囁語羅幃暮銀燭搖光夜香度狂風忽起海東頭
吹斷蘭舟去時路去時豈惜千金軀煙濤竟沒珊瑚樹
精衛寬深水更深身小天高向誰訴寂寞塵奩掩鏡光
可憐不復照晨粧塔前莫剪青草生死終身不下堂
堂中素幔空時祭賴有孤兒拜虛位白日哀思眼不乾
夜枕還流夢中淚妾本孤桐斷作琴一絃只作一絃音
逢人不奏鳳凰曲別鶴離鸞夜、心

聽南康陳協律彈楚

我聞楚客彈楚聲初絃一揮邊馬驚嗚咽哀音動寒月
正如歌發漢軍營營中一曲還漸理想見彷徨帳中起
美人掩泣壯士悲寶劍無光黯秋水淒涼未弄情欲終

應憐歸騎阻江東
蓋世英雄竟如此
遺調空留感人耳
四座相逢今夜聽
霜風忽來庭樹零
無言有愁俱酒醒

酬吳興沈墨翁贈墨

南朝墨法稱奚家
相國謬費盈連車
堆金欲沽世已少
至今好事成咨嗟
潘生後出亦竒絕
峨眉仙子嘗相誇
紫殿曾供寫飛白
玉堂每用書官麻
人間留箴敢輕試
傳玩正比龍團茶
沈翁遠得二子妙
珙璧自美誰能瑕
徂徠老節燒欲盡
萬杵夜搗玄霜華
錦囊贈我筠在几
光恠迸屋驚早鴉
一餅團、未磨缺似月
食盡逢妖墓
此物宜歸大手筆
濡染竹帛垂無涯
上當紀頌聖功德
下可論載臣忠邪
我今才薄况病退
破硯久棄塵生窪

一朝得此復何用
慙註魚豕箋
虫蝦摩挲忽動揮
洒與聊吟險句追
鳥义高堂淋漓為君掃
醉污舊賜官袍花

京師苦寒
洪武己酉

北風忽發浮雲昏
積陰慘、愁軋坤龍蛇
蟄泥獸入穴
恠石凍裂皴生痕
臨滄觀下飛雪滿
橫江渡口驚濤奔
空山萬木盡立死
未覺陽氣回深根
茅簷老父坐無褐
舉首但望開朝暾
苦寒如此豈宜客
嗟我歲晚飄羈魂
尋常在舍信可樂
床頭每有松醪存
山中炭賤地爐暖
兒女環坐忘卑尊
鳥飛亦斷况來友
十日不敢開衡門
劫來京師每晨出
強逐車馬朝
天閣歸時顏色黯
如土破屋暝作飢
爲躡陌頭酒價雖
苦貴一斗三百誰能

論急呼取醉徑高卧布被絮薄終難温却思健兒戍西
北千里積雪連崑崙河水踏碎馬蹄熱夜斫堅壘收羌
渾書生只解弄口頰無力可報 朝廷息不如早上乞
身疏一蓑歸釣江南村

賦得烏衣巷送趙子將

差、舞羽多光彩鄉國初辭度雲海江南門巷有題名
識得當年故巢在春風三月滿京華月入尋常百姓家
隨鷺已過龍河柳引蝶還穿鳳苑花綠蕪芳草長干渚
樓閣初晴杜前雨江邊今日有離筵留人看上檣頭語

京師重午懷彥正幼文

去年歸鄉過重午柳雨莎風滿南浦白蓮閣上與君吟

遙憶徐君隔淮楚今年風雨又端陽却在秦淮憶故鄉
徐君已歸若相見應言前事一淒涼客愁欲斷番長笑
人事推遷古難料明年未省又何之一杯且聽江南調

奉遊西園 命賦二題

海山巨獸堪乘戰番使前年遠來獻寶纓纏絡錦檐垂
拜舞如人向金殿仙仗時巡出鳳城鑾輿頻駕不曾驚
有牙莫畏焚軀禍 天子深仁愛爾生 象

日暖吻、草際鳴養馴未省見人驚雲山別却嚙芝侶
來向朱闌花下行舊毛雪白新茸綠曾在宜春苑中畜
幾人逐走向中原輸與吾 皇稱疾足 鹿

芥舟為陳太常賦

估客海上誇乘風大艫遠憂龍魚宮帆如飛雲落天外
不假羽翼行虛空驚濤拍山撼難動安卧每到搏桑紅
回頭却嘆垂釣子斷溝老葑流孤蓬烏知達人解物表
坐視大塊舟航同風輪晝夜不停轉元氣下載浮鴻濛
泰山亦與一塵等何以巨細論雌雄君今齋居那苦小
自比置芥坳堂中將身便欲入無間險語乍出驚愚蒙
我聞懸珠納萬象此事尚覺勞神功萬千毫髮盡非有
幻相欲別誰能窮君行莫數萬里柁天游閉戶隨西東
何須更待積水厚區、往問南華翁

為石城朱氏題梅雪軒

石城山居梅萬塢冒雪曾來扣僧戶爛然如見會群仙

白鳳繽紛下瑤圃數片輕吹着鬢華乍看是雪又疑花
迷魂亂眼春如海那辨南枝映竹斜獨披鶴氅穿林去
凍壓寒梢應幾樹聽響方知夜灑時聞香始識繁開處
回首春風憶舊遊夢尋歸路隔羅浮年來驢背無詩思
醉踏塵埃空自愁聞道君家溪上下玉蕊瓊英巧相亞
履跡誰來東郭朝笛聲不起南樓夜翠羽驚啼莫怨猜
破寒宜共一尊開雪晴花發須相記我亦扁舟乘興來

董元卧沙龍圖

人間滴罷天瓢水歸護玄珠卧沙裏空潭白日不聞雷
雲霧俄隨轉身起誰言北苑筆意精頭角破屋將飛騰
細看圖畫何須恐曾謁真龍朝太清

贈治冠梁生乞作高子羔舊樣

野人散髮秋半稀小冠宜着稱苧衣亦嘗京國被恩澤
朝簪乍脫歸田扉進賢我峨在頭上此物須當付卿相
閉門方欲誦詩書煩君為製依吾樣

為吳邑曾令賦南州野人

南州沃壤非泥塗清泉流渠歲不枯若人抱耒蘄水上
始志自比躬耕徒幸逢堯舜可在野起縮墨綬來東吳
一鞭不驅雨後犢兩舄已化空中鳧郭西春耕布穀語
柔桑綠雲連太湖下車殷勤告父老勸耕為汝犁先扶
我本野人偶叨祿向汝未忍施鞭蒲五風十雨和氣應
勿遣寸土生蒿蕪太平村落雞犬靜社飲自足歡妻孥
但當相率了官務莫勞縣吏來催租民言此令善教我
斗酒祝壽歌鳴、共問野人竟誰是堂中鳴琴賢大夫

題武昌魏孝廉所藏畫

楚山遠吐參差碧虛閣開臨繫船石沙樹凋時鄂渚秋
江鷗沒處湘潭夕閣中幽人坐讀書、聲入水驚龍魚
欲吹短笛相尋去黃鶴磯頭好待予

題勾吳韓長司所藏畫

參卿昔佐西安幙騎馬看山時出郭終南太華勢最高
橫作秋雲掃寥廓秦川漢苑萬里開酒醒望遠登荒臺
日斜渭上歸人渡岳暗關中飛雨來此處奇觀絕天下
何事歸來猶看畫畫中小景似江南黃葉漁村見煙舍

莫戀江南真故鄉，尊鱸炊熟酒船香。美人不是滄洲客，去去宜陞白玉堂。

米元暉雲山圖

海岳老仙非畫工，自有丘壑藏胸中。阿兒揮洒亦莫比，妙趣政足傳家風。敷文閣下圖書靜，夢入空山覺衣冷。起拈綵筆寫幽蹤，一片飛來楚雲影。彷彿三湘與九疑，翠峰猶抹峨眉水。生江上鴻歸後，樹暗沙頭春去時。蒼、遠渡連平麓，烟火參差幾家屋。林深谷靜斷行人，惟有禽聲啄枯木偶向高齋。玩此圖，斷縑猶費百金沽。自緣絕筆人間少，如此雲山何處無。

高彥敬雲山圖

尚書生長燕臺下，慣識風沙草漫野。何由得見山水鄉，煙嶺雲林遠能寫。平時四海作宦遊，高興最愛江南秋。雲溪清曉剡溪晚，閑解狂轡尋扁舟。此中謝屐曾經處，半是啼鴉棲宿樹。斷橋旗下問農歸，遠寺鐘邊訪僧去。風流一沒歲未遙，坐覽遺迹成前朝。何當遍覓西中景，聖恩已許從漁樵。

范魏公手書伯夷頌為其裔孫天章題

有宋名臣誰第一，公為國家真輔翼。豐功茂烈何煌煌，信與日月爭輝赫。力扶風化，成唐虞。若推志謨，同契稷。平生文詞耀金石，乘暇亦嘗躬翰墨。丰姿勁直儼端人，氣韻剛方著心畫。伯夷况是聖之清，貪夫可廉懦可立。

當時書寫豈無謂要示後人為鑑格三百年來筆尚新
敬翫如親覩顏色世間至寶誠難得貽爾子孫宜什襲

江上看花

兩年京師不見花青衫白馬驅塵沙今年江邊偶無事
狂醉爛熳尋春華遊蜂飛蝶日妍暖紅紫正發紛交加
穿溪每入隣媪圃叩門或到山僧家漸老都無少年樂
底用簫鼓隨行車攀條遶樹對吟詠不忍歸去至日斜
花應得我相慰賞似咲欲舞爭矜誇我如無花亦寂寞
閉戶有酒誰能賒夜來茅屋卧聞雨曉起走看成咨嗟
飄英墮萼不可綴餘艷只似銷殘霞明知春色不久住
豈料便去難留遮野鶯啼罷一回首恨與芳草盈天涯

長短句

題黃大癡天池石壁圖

黃大癡滑稽玩世人不知疑似阿母傍再謫偷桃兒平
生好飲復好畫醉後酒墨秋淋漓嘗為弟子享少翁貌
得華山絕頂之天池乃知別有縮地術坐移勝景來書
帷身騎黃鵠去來遠縞素飄落流塵緇穎川公子欣得
之手持示我請賦詩我聞此中可度難玉枕秘記傳自
青牛師池生碧蓮花千葉光陸離服食可騰化遊空駕
雲騎柰何靈跡久闕藏荒竹澗野啼猩猩尋真羽客不
肯一相顧却借釋子管茅茨我昔來遊早春時雪殘衆
壑消寒姿磴滑不敢騎馬上青鞋自策桃筇枝上有煙

蘿披拂之翠壁下有沙石蕩漾之清漪晴天倒影落明鏡正似玉女曉沐高鬟垂飲猿忽下藤裊浴鶴乍立風淅々匡廬有地我未到未省與此誰當奇掃石坐其涯泂泂引流巵醉來自照影俯咲知為誰落梅撲香滿接羅暮出東澗鐘鳴遲歸來城郭中復受塵土欺十年勝賞難再得恍若清夢一斷無由追朝來觀此圖惻愴使我悲當時同遊已少在我今未老形先疲人生擾擾嗟何為不達但為高人嗤漢南既老司馬樹峴首又沒羊公碑惟應學道悟真訣不與陵谷同遷移仙岩洞府孰最好東有地肺西峨眉高崖鐵心不可攀暖以逢上仰望白雲樓觀空崔魏此山易上不可乃遣便與猿鶴秋相期欲借太乙舟夜卧浩蕩隨風吹洞簫呼起千古月照我白髮涼絲々傾玉醪薦瑤芝招君來遊慎勿辭無為漫對圖畫日夕遙相思

媯雌子歌為友王常宗賦蓋其號也

媯雌子乃是軒轅之裔虞鯀之孫混沌既死一萬事獨抱大樸存竊伏在草野冥心究皇墳早逢三光五嶽之氣乍分裂天狼下地舐血流渾々鹿走秦中原蛇鬪鄭國門姐豆棄草莽干戈歟崩奔媯雌子便欲東遊渡弱水沐髮滄海朝陽盆又欲西行遡河漢踰崑崙山橫川阻兩地俱不可以往兮歸來掩戶卧且昏蒔黍一區注醪一樽妻給井臼兒牧雞豚不詰曲以媚俗不偃蹇而

凌尊作為古文詞言和氣醇溫手提數寸管欲發義理
根上探孔孟心下平屈賈魂其質耀金石其芳吐蘭蓀
叩虛谷有響斷險成無痕陸珍雜水恠變狀弗可論幾
年兀不肯出坐待 真主應運九五開乾坤鶴書自
天來幽隱初見拔使者遠造廬雞鳴起膏轄與纂金匱
編尚書為給劄奸魂泣幽塚下恐遭誅殺書成一代進
紫宸鸞旗羽衛夾陛陳閣門導謁稱小臣麻衣不脫拜
聖人捧函近前殿 龍顏喜回春勅賚內帑之金與綺
段其文織作銀麒麟蒙恩乞還家以奉白髮親練圻草
堂東海濱苧袍芒屨烏角巾自號山澤之臞民媿雌子
幸際明之時無為窳莫坐老東海湄青丘有客鈍且癡

與汝共結同襟期左鼓清瑟右吹鳴篪作歌共祝
天子壽五風十雨萬國赤子同熙

書夢中

夢行塞下沙無水無蕪葭牧羊人歸霜草短平地鴈群
棲不暖騎馬茫入遠煙一行衝起上秋天我夢驚回
鴈飛去角聲吹斷江城曙

聽錢文則琴

古樂久不聞古器亦殘缺惟有朱絃琴韻與箏琶迥殊
別此夜聽君彈四座寂不喧古人有遺恨似向絃中言
初調乍冲融再弄忽悽惋秋猿春鳥相間啼夢繞瀟湘
碧雲遠怒濤勢出峽鬪石轟奔雷漫流入滄海悠然去

無回銅瓶一墮井汲引不可上離車軌曉出關欲行
未行苦惆悵夜深庭樹風雨驚恍疑鬼神入蒲城須臾
響靜月照席玉壺凍破冰崢嶸我心正如水萬籟不到
耳無端聽此聲双淚迸落百感生起請且莫彈胡笳文
姬思家意咨嗟請莫彈履霜孝子在野愁彷徨願君拂
拭登高堂先彈南風後文王美哉大雅聲洋洋使我坐
聽憂俱忘

約王汝器看梅

君莫憶東閣吟我莫憶西湖見兩地年來信不通塵埃
正滿春風面不知山中三日雪掩高脩竹斜倚愁娉婷
讀書屋空滿梁月夢斷冷落留餘馨相尋定有迎船鶴

煙霧籠寒縞衣薄一尊好共暖花魂明日關山笛中落
清冷閣為陳協律題

臨清池敞華閣明月入綺疏微風颭羅幙白波連遠洲
竹吟芙蓉愁客聽秋聲起魚鷺星影流水絃彈罷鷓鴣
曲天河墮水涼宵促試問西園閣上遊何如南浦舟中
宿

雪齋為述僧賦

君不見韓刺史疲馬度關愁欲死君不見党將軍美人
擁帳飲正醺憔悴豪華兩何有世人徒勞競奔走雪深
三尺坐寒龕誰似西齋衲衣叟開門一笑定起遲虛空
大地皆春熙松梢一片忽墮響夜靜山空人不知此地

應憐無執惱尋梅莫若尋詩好便穿屐屐踏瓊瑤曉徑
從埋不須掃

謝海雲道人贈張仙像

我年已及壯吉夢未兆熊雖有三女兒豈足慰乃翁每
聞隣家子夜雨誦經史起坐秋燈前顧影長嗟不能止
道人念我書無傳畫圖卷贈成都仙云昔蘇夫子建之
玉局構甚虔乃生五色兩鳳雛和鳴上下遂與夫子相
聯翩勸我勤禮之當有明珠出深淵我感道人意捧觴
拜其前君不見東家翁力耕積多田平生辛苦立門戶
兩兒棄擲如浮煙惡兒亦何須願得一子賢上以承吾
宗下以與我玄仙乎有驗看明年請君更賦懸弧篇

題滕用衡畫

滕君興在煙霞間遠遊十年今始還畫圖示我有層障
竟似何處之名山君言我初適東越酒船橫渡鏡湖月
醉詠謫仙天姥吟海光欲曙清猿歇瑤草春已生便入
金華行道逢牧羊兒疑是黃初平從此西遊楚江水大
帆如雲掛空裏舵樓醜酒喚長風一日看山一千里不
聞東林鐘但見香鑪峯波迷洞庭澗樹隔瀟湘重白沙
翠壁經過好就中幾度曾幽討麻姑壇上掃落花兒女
祠前薦芳藻晚客湖南逢鴈回登臨長詣定王臺天從
朱鳥峰頭轉江自黃牛峽外來蒐奇歷險今應倦默坐
舊遊空數遍時向明窓看此圖好山一、皆重見我聞君

言自嘆嗟身如處女愁離家閉門讀書無半車髀肉漸
生空髮華林前塵土蔽雙屐何不着之踐苔石幸逢
或士道踏平五嶽尋真皆可適便當往抱綠綺彈松風
行盡萬壑千巖中仙書探得金匱空歸來誇君重相逢
握手一咲吳門東

贈鍛師劉生歌

嘗為李鍊師製三隅鉄判藥刀求謝此

君不見區冶子金鑄魚腸照吳市君不見徐夫人藥淬
七首驚函秦竒鋒當年非不利氣奪秋雲愁白帝伯圖
恃此竟無成良冶徒為殺人器何如劉生獨採昆吾鋼
大爐夜煉騰虹光神鍼妙刃兩如水提出二豎皆奔藏
利物之功有如此特為醫仙起人死囊中長得伴刀圭

海上何須刺犀兕我看十年太白西方明銅山尋鑿兵
縱橫幸逢 聖人生于戈戢四海清願生但制此器勿
制兵民無疫癘歌太平

釣臺歌送嚴陵徐尊生太史回

羊裘翁遺釣臺蒼翠兩相向勢壓千崔嵬巉巖峭壁聳
雲表決、桐江流遶其下徒喧逐清風在翁振千古唾
視軒冕浮輕埃心懷高潔猶可覩時吐片月峰頭來先
生當代詞林載筆有良史才不展調元手居鼎台却思
釣臺亟歸去胸襟洒落何如我胸中之樂何如哉

五禽言和張子宜水部

泥滑滑啼空山行人愁道路難高天浮雲自多雨人不

知還空怨汝

提胡盧趣沽酒杏花村中媪家有君如不飲過却春此
鳥枝頭應喚人

郭公郭公天寒水空朝飛暮宿蕪葭中蕪葭中啼不息
千載魂應怨亡國

婆餅焦婆去餉孫田塍遙隴頭小麥穗已穡但願好收
食自饒爾莫憂婆餅焦

脫却破袴脫却破袴溪深無船須涉渡亦思脫舊復換
新春機已空愁殺人

槎軒集卷之五